



賜板

訂正東醫寶鑑

十三

咳嗽	嘔吐	霍亂	雜病篇
----	----	----	-----

ヤ 9  
905  
15



門 9  
號 905  
卷 15

9  
653  
號 卷

訂 正東醫寶鑑雜病篇卷之五

御醫忠勤貞亮扈聖功臣崇祿大夫陽平君臣許浚奉教撰

霍亂

霍亂之因

內經曰土鬱之發民病嘔吐霍亂注下又曰太陰所至為中滿霍亂吐下又曰歲土不及風乃大行民病飧泄霍亂體重腹痛筋骨搖併○霍亂之病皆因飲食非關鬼邪千金○內有所積外有所感陽不升陰不降乖隔而成非因鬼邪皆飲食所致此先哲確論也丹心○霍亂者揮霍變亂也凡人內素有鬱熱外又感寒一時陰陽錯亂然病本因飲食失節生冷過度以致溼熱內其中焦失運不能升降是以上吐下瀉入門○霍亂或因飲冷或冒寒或失飢或大怒或乘舟車傷動胃氣令人吐瀉併作用藥遲緩須臾不救華佗○霍亂多責於熱故夏秋為盛入門○霍亂之病由風

溼腸三氣之合成也風者肝木也溼者脾土也腸者心火也肝主筋故風急甚則轉筋也吐者腸也瀉也啟玄子曰皆脾熱所生也斯言為正子和

### 霍亂形證

霍亂證心腹卒痛嘔吐下利憎寒壯熱頭痛眩暈先心痛則先吐先腹痛則先利心腹俱痛吐利並作甚則轉筋入腹即死正傳 ○三焦為水穀之道路邪在上焦則吐而不利邪在下焦則利而不吐邪在中焦則吐利並作病因飲食不節清濁相干陰陽乖隔輕者只曰吐利重者揮霍變亂乃曰霍亂因邪入脾胃故發為吐利入門 ○霍亂一證夏秋為多寒月亦有之蓋有伏暑而作入門 ○人之藏府冷熱不調或飲食不節生冷過多或起居失宜露臥當風使風冷之氣歸於三焦傳於脾胃脾胃得冷不能消化水穀致令真邪相干飲食變亂於腸胃之間心腹疼痛發作吐利有心痛而先吐者有腹痛而先利者有吐利俱發者有發熱頭痛體疼而復吐利虛煩者或但吐利心腹

### 脉法

刺痛者或轉筋拘急疼痛者或但嘔而無物出者或四肢逆冷煩悶昏塞而欲死者隨證治之得效 霍亂脉浮洪可救脉微遲而不語氣少則難差得效 ○脉多伏或絕丹心 ○脉代者霍亂代而亂者亦霍亂又關脉滑為霍亂吐瀉又滑而不勻必是霍亂吐瀉之候脉代勿誤醫鑿 ○滑數為嘔代者霍亂微滑者生濕數凶斷脉訣 ○脉微而澁或代而散或隱而伏或大而虛或結或促或代皆不可斷以死脉亂故也正傳 ○脉浮大而洪可救微弱而遲難救正傳

### 霍亂有乾有溼

此病有乾霍亂溼霍亂乾霍亂死者多溼霍亂死者少蓋吐利則所傷之物得少也乾霍亂死者多者以其上不得吐下不得利則所傷之物不得出泄壅閉正氣隔絕陰陽煩擾悶躁喘脹而死矣明理

### 乾霍亂治法

吐利不得謂之乾霍亂 ○乾霍亂者忽然心腹脹滿刺痛狀若神靈所附吐利不得

頃刻之間便致悶絕急用鹽湯吐之續以理中湯

方見寒門倍加橘紅與之或藿香正氣散方見寒

門加官桂赤茯苓枳殼木瓜煎服或吞下蘇合香

丸尤妙得效○乾霍亂最難治次在須臾升降不

通故也當先吐以提其氣之橫格不可用涼藥宜

二陳湯方見痰門加解散藥川芎蒼朮防風白芷

之類兼用薑鹽湯丹心○絞腸沙者乃乾霍亂一

名也腹痛不可忍或手足厥冷乃腸胃絞縮在腹

也急用鹽湯吐之入門○乾霍亂者氣痞於中吐

利不得所傷之物壅閉正氣關格陰陽煩躁喘脹

者必死急用吐法鍼委中穴名出血兼服治

中湯方見寒門或藿香正氣散必效入門

薑鹽湯治乾霍亂欲死鹽一兩生薑切半兩右同炒

心變以童尿一盞同煎至一盞分二次服直

溼霍亂治法上吐下瀉謂之溼霍亂○凡霍亂吐瀉渴

為熱不渴為寒海藏○熱多欲飲水宜五

苓散寒多不飲水宜理中湯二方並見寒○霍亂

乃溼熱兼風木為害治宜散風寒利溼降火四時

### 溼霍亂治法

### 薑鹽湯

治乾霍亂欲死鹽一兩生薑切半兩右同炒心變以童尿一盞同煎至一盞分二次服直

### 益

### 香

通用藿香正氣散方見寒門寒月虛冷用理中湯

方見寒門暑月煩渴宜黃連香薷散方見暑門俱

宜合五苓散方見寒門以分清上下更合益元散

方見暑門降火尤妙入門○霍亂吐瀉宜用木菓

散二香黃連散加味薑附湯回生散加減正氣散

○中暑霍亂宜香薷散桂苓白朮散二方並見暑

○吐瀉過多四肢逆冷不省人事南星末三錢棗

三枚薑五片煎極熱服一服可效或半夏末薑汁

點服或白礬末一大錢沸湯點服亦效得效

### 木菓散

治霍亂吐瀉肢體轉筋逆冷水瓜吳茱萸食

鹽各五錢右同炒令焦餅盛白沸水三升入

藥同煎至二升冷煖任意服即效○如無前藥枯

白礬末一錢沸湯調服如無白礬只用鹽一捻醋

一盞同煎服或鹽梅鹹酸等物皆可煮服入門

### 二香黃連散

治伏暑霍亂腹痛躁悶脈沉手足冷藿

香厚朴半夏赤茯苓陳皮白扁豆香薷

各一錢黃連澤瀉各八分甘州三分右  
剉作二貼水煎入薑汁一匙溫服入門

### 加味薑附湯

治霍亂吐瀉過多手足逆冷氣少不語  
六脈沉伏附子炮乾薑炮人參各一錢  
半甘州炙七分右剉作一貼水煎  
服得效○一名四順附子湯直指

### 回生散

治霍亂吐瀉過多但一點胃氣存者服之回  
生藿香陳皮各五錢右剉作一貼水煎溫服  
人門

### 加減正氣散

異鄉人初到他方不伏水土遂成霍亂  
或吐或瀉蒼朮二錢藿香厚朴陳皮縮  
砂研香附半夏甘州各一錢右剉作一貼  
入薑二片棗二枚燈心一團水煎服回春

### 香薷散

治中暑霍亂吐瀉腹痛轉筋四肢逆冷急  
煎此藥沉冷服之他藥不能救方見暑門  
益元散一名六一散治霍亂吐瀉取此  
藥生薑湯調下妙方見暑門

### 霍亂後轉筋

陽明屬胃與大腸以養宗筋暴吐暴瀉  
液驟亡宗筋失其所養故輕者兩腳轉筋  
而已重者遍體轉筋入腹手足厥冷危甚風燭矣  
倉卒之際以鹽填臍中灼艾不計壯數雖已久而  
胃中有煖氣者立甦急用木黃散方見上  
加茴香  
甘州紫蘇葉煎服再研大蒜塗兩腳掌心則雖昏  
危入腹者亦效入門○霍亂吐瀉過多遍體轉筋  
手足厥冷氣欲絕者急灸臍中又取蓼一把煎湯  
泡洗次投附子理中湯方見寒門即效綱目○霍  
亂後轉筋理中湯方見寒門加石骨一兩煎服海  
藏○一法理中湯去白朮加生附子一箇活人○  
轉筋屬血熱四物湯方見血門加酒苓酒花蒼朮  
南星煎服丹心○吐瀉脇痛轉筋脈弦者木克土  
也平胃散方見內傷加木瓜五錢煎服入門○吐  
瀉後轉筋不止宜  
用木瓜湯直指

### 木瓜湯

治霍亂轉筋木瓜四錢吳茱萸二錢茴香炒  
一錢甘州炙四分右剉作二貼入薑二片紫

蘇十葉鹽一撮烏梅

一箇同煎服直指

### 一法

治轉筋不止欲死男子以手挽其陰牽之女子則挽其乳近兩傍牽之此千金方妙法也丹心

### 霍亂後煩渴

吐瀉既多津液暴亡以致煩渴引飲不止宜桂苓白朮散五苓散方見寒門椒豆散

麥門冬湯加減藹  
苓湯止渴湯諸方

### 桂苓白朮散

治中暑霍亂吐瀉煩渴滑石一兩寒水石石膏澤瀉甘草各五錢白朮白茯苓

人參桂枝各二錢半右為末每三錢白湯或新汲水調下生薑湯亦可綱目

### 麥門冬湯

治霍亂後煩渴麥門冬二錢陳皮半夏白朮白茯苓各一錢小麥半合人參甘草各

五分右剉作一貼入薑三片烏梅一箇水煎服入門一名九君子湯入門

### 椒豆散

治霍亂吐瀉後煩渴不能服藥或水藥不入戶者胡椒菉豆各四十九粒右研為末新汲

水調下或水煎服入門一名胡椒湯胡椒七粒菉豆二十一粒為末木瓜湯調下直指

### 加減藹苓湯

治霍亂熱渴天花粉二錢赤茯苓一錢猪苓澤瀉香藹乾葛各七分黃連白朮

甘草各五分右剉作一貼入薑三片水煎服醫案

### 止渴湯

治同上人參麥門冬赤茯苓桔梗瓜萸根澤瀉葛根甘草各五錢右為末蜜水調二錢服丹心

### 霍亂後虛煩

霍亂後虛煩不得眠或熱渴宜竹葉石膏湯方見寒門參胡三白湯諸方

### 參胡三白湯

治霍亂後煩熱口乾脈數或頭身痛柴胡白朮白茯苓芍藥當歸陳皮麥門

冬梔子仁甘草各八分人參五分五味子十粒右剉作一貼入棗二梅一燈心一團煎服回春

### 既濟湯

治霍亂後虛煩不得眠麥門冬二錢人參竹葉半夏附子炮甘草炙各一錢右剉作一貼

入薑五片粳米百粒水煎服丹心

### 霍亂吐法

治乾霍亂心腹刺痛煩冤吐利不得氣欲絕者極鹹鹽湯熱飲一升刺口令吐不吐則再飲一升須三吐使宿食盡乃止此法大勝諸治吐訖以理中湯藿香正氣散欬緩調治得效○又法急以鹽湯一盞入童便薑汁頓服服後吐令透未透再服吐後續用熨法入門

### 霍亂熨法

霍亂吐瀉心腹痛不可忍炒鹽二枚紙包紗護頓其胃前并腹肚上以熨斗火熨之氣透則甦續以炒鹽熨其背則十分無事得效○又法鹽炒吳茱萸熨臍下亦效入門

### 霍亂鍼法

乾霍亂刺委中穴名出血或十指頭諸經并冷腹痛不可忍者以手蘸溫水於病者膝腕上拍打有紫黑點處以鍼刺去惡血即愈經驗○又法用麻弦小竹弓蘸香油或熱水刮手足背額項即愈經驗○乾霍亂者乃寒溼太甚脾被絆而不

能動氣被鬱而不能行所以卒痛而手足厥冷俗名絞腸沙者蓋言痛之甚也北方刺青筋以行氣血南方刮背手足以行氣血俱能散病然出血不如行氣血之為愈也丹心○又治絞腸沙刺血法詳見救急門入門

### 霍亂灸法

霍亂轉筋入腹手足厥冷氣欲絕以鹽填臍中大艾炷灸之不計壯數立效得效○霍亂已然而腹中有暖氣者依上法灸之亦甦醫鑿○又法灸氣海二七壯妙得效○霍亂吐瀉不止垂灸天樞氣海中脘立愈正傳○霍亂諸法不效灸大椎即效綱目○霍亂已死但有暖氣者灸承筋七壯立甦綱目

### 禁忌法

霍亂吐瀉之時切勿與穀食雖米湯一呷下咽立死必待吐瀉止過半自飢甚方可與稀粥以漸而將息正傳○霍亂吐瀉時慎勿與粟米粥湯入胃必死矣綱目○霍亂不可遽與米飲粥飯以

助邪氣必所傷物盡然後稀粥漸漸養之 入門○  
霍亂時大忌飲食入腹則成只喫水水不妨不可  
飲熱湯切不可飲  
熱酒燒酒山居

### 不治證

霍亂轉筋腹痛四肢厥冷氣欲絕其脈洪大可  
治如脈微而囊縮舌卷者不治 綱目○霍亂喘  
脹煩躁者不治 得效○乾霍亂吐瀉不得胃腹脹  
硬面唇青黑手足冷過肘膝六脈伏絕氣喘急舌  
短囊縮者死回春○脈微遲氣少不語為難治得  
效○大渴大躁大汗遺尿者死回生散救之方見  
入門

### 水疾吐瀉

乘船大吐瀉渴飲水者即死飲童尿最好自  
已尿亦好 丹心○枯白礬末一錢百沸湯點  
服亦好 入門○船暈嘔吐大半  
夏湯方見痰門煎服效 入門

### 單方

凡二十  
一種

### 鹽

治乾霍亂鹽一大匙熬黃取童尿  
一升溫和攪服吐止即愈 本州

### 鍋底墨

治霍亂取一二錢百沸湯一盞投  
其中急攪服吐瀉立止 本州

### 甘爛水

治霍亂入藥煎用  
甚妙 詳見水部

### 生熟湯

一名陰陽湯治乾霍亂能吐宿食惡毒之物  
和鹽服之尤妙即百沸湯合新汲水也 本州

### 生薑

治霍亂欲死生薑五兩切取牛  
尿一升同煎取汁服即效 本州

### 天南星

治吐瀉不止四肢逆冷不省人事南星為末  
每二三錢入大棗三枚同煎服四肢漸暖神識

便省神  
妙 本州

### 蘆花

一名蓬蓂治霍亂氣息危急者取  
一把濃煎取汁頓服即差 本州

### 皂角

乾霍亂鹽湯一椀入皂角末  
少許調服探吐即效 本州



**木瓜** 治霍亂吐瀉轉筋不止煮汁飲之枝  
葉功同。○榧植與木瓜同功 本州

**烏梅** 治霍亂煩渴水瀆  
和蜜飲之 本州

**林檎** 青色者治霍亂吐瀉甚妙  
煮取汁飲或嚼食之 本州

**秣葛葉** 治霍亂轉筋筋大如桃李攣  
不可忍取葉濃煎湯飲之 種杏

**粟米泔** 治霍亂煩渴飲數升立差。○又研米泔  
水和瀉取汁服之 主轉筋入腹 本州

**糯米** 治霍亂煩渴水研取  
汁任意飲之 本州

**蓼** 治霍亂轉筋濃煎乘熱重洗  
因取飲一二盞即愈 得效

**香薷** 治霍亂吐瀉轉筋濃煎飲之即  
止。○治霍亂不可闕也 本州

**小蒜** 治霍亂吐瀉者  
汁飲之 本州

**牛糞** 治霍亂吐瀉四肢逆冷黃牛糞以水  
煮瀉取清汁頓服一升即止 本州

**煙鹿皮** 或烟獐皮熏烟最多黃色者水浸揉  
取汁頓服治乾霍亂即吐神效 俗方

**醋** 治霍亂未得吐下飲一二升良。○治轉筋取  
衣絮漬醋煮令温暴患處冷則易即愈 千金

**牛涎** 小兒霍亂牛涎一  
合灌下立效 得效

**嘔吐**

**嘔吐之因** 內經曰諸嘔吐逆衝上皆屬於火。○胃膈熱  
甚則為嘔火氣炎上之象也 河間。○嘔吐噦

者俱屬於胃胃者總司也以其氣血多少為異耳  
嘔者陽明也陽明多血多氣故有聲有物氣血俱  
病也吐者太陽也太陽多血少氣故有物無聲乃  
血病也 有食入則吐有食已則吐以橘紅為主噦  
者少陽也少陽多氣少血故有聲無物乃氣病也  
以半夏為主究其二者之源皆因脾氣虛弱或因

寒氣客胃或因飲食所傷而致宜以丁香藿香半夏茯苓陳皮生薑之類主之東垣。溼嘔者有物有聲食已則嘔乾嘔者空嘔無物總屬陽明氣血俱病故嘔比吐為重也入門。劉河間謂嘔者火氣炎上此特一端耳有痰隔中焦食不得下者有氣逆者有寒氣鬱於胃口者有食滯心肺之分新食不得下而反出者有胃中有火與痰而嘔者丹。

○嘔家雖有陽明證慎不可下逆之故也仲景。

寸口脈數其人即吐。寸口脈細而數數則為熱熱當消穀引食而反吐者何也師曰過發其汗令陽氣微膈氣虛脈乃數數為客熱不能消穀胃中虛冷故吐也仲景。

○陽脈緊陰脈數其人食已即吐。寸緊尺澹其人胃滿不能食而吐。脈經。脈滑為嘔吐。脈訣。嘔吐無他寸緊滑數微數血虛單浮胃薄芤則有痰最忌滑弱同春。跌陽脈浮而澹浮則為虛澹則傷脾脾傷則不磨朝食暮吐暮食朝吐完穀不化名曰胃反。脈經。脈緊而澹

### 脈法

其病難治。脈弦者虛也胃氣無餘朝食暮吐暮食朝吐。脈經。反胃噎膈寸緊尺澹同春。噎膈反胃脈浮緩者生沉澹者死。脈澹而小血不足脈大而弱氣不足醫鑑。

### 嘔吐治法

嘔吐有冷熱二證冷者面青手足厥冷食久乃吐宜加味二陳湯下香安胃湯加減理中湯。熱者面赤手足熱食已即吐宜保中湯和中。桔梗湯黃連竹茹湯清熱二陳湯或葛根竹茹湯加味橘皮竹茹湯。大病後胃熱虛煩而嘔者竹葉石膏湯方見寒門。加薑汁服即止入門。時常口吐清水或冷涎自下涌上者脾熱所致也二陳湯加白朮白芍藥升麻神麩麥芽乾生薑土炒苓連梔子或水煎服或蒸餅為丸服入門。肝火出胃逆上嘔吐宜抑青丸方見火門。半夏橘皮生薑為嘔家主藥若胃虛而嘔者宜推揚穀氣四味藿香湯加減四君子湯主之綱目。久病胃虛嘔吐宜藿香安胃散藿香平胃散比和飲。痰飲嘔吐宜茯苓半夏湯小半夏湯大半夏湯痰門。

神水丸治嘔吐清水如神方見痰門○停水而嘔者心下怔忡先渴後嘔者宜赤茯苓湯方見痰門先嘔後渴者宜猪苓散水入即吐者宜五苓散方見寒門○嘔家聖藥是生薑千金之說信矣然氣逆作嘔生薑散之痰水作嘔半夏逐之生薑於寒證最佳若遇熱嘔不可無烏梅也醫鑒○嘔吐宜服薤白粥○嘔家有癰膿不須治嘔膿盡自愈矣仲景

### 加味二陳湯

治胃冷嘔吐二陳湯方見痰門一貼加縮砂一錢丁香五分也丹心

### 丁香安胃湯

治嘔吐噦胃寒所致黃芪二錢吳茱萸更州豆蔻人參蒼朮各一錢丁香柴胡升

麻當歸身陳皮甘草炙各五分黃栢二分右剉作一貼水煎服正傳

### 加減理中湯

治胃寒冷嘔吐清水冷涎脉沉遲人參夏縮砂研桂皮各一錢右剉作一貼入薑三片烏梅一箇水煎服回春

### 保中湯

因痰火致嘔吐不下飲食白朮土炒一錢黃芩黃連並土炒藿香梔子薑汁炒各一錢半

夏陳皮赤茯苓各八分縮砂三分甘草一分右剉作一貼入薑三片以長流水和黃泥澄清取水煎之去滓稱冷頻服醫鑒

### 和中桔梗湯

治上焦熱食已暴吐脉浮而洪半夏麴

實赤茯苓各一錢右剉作一貼薑三片水煎取清調木香檳榔末各一錢空心服二服後吐漸止除木香檳榔末更加白芍藥一錢黃芪一錢半煎服正傳

### 黃連竹茹湯

治胃熱嘔吐煩渴脉數黃連薑汁炒梔

子炒黑青竹茹各一錢人參七分白朮赤茯苓白芍藥陳皮麥門冬甘草各五分右剉作一貼入棗二枚水煎服回春

### 清熱二陳湯

治痰火嘔吐出涎沫半夏陳皮赤茯苓

各一錢右剉作二貼入薑  
三棗二梅一水煎服同春

### 葛根竹茹湯

治胃熱嘔吐葛根三錢半夏切薑汁漿  
水同煮焙乾二錢甘州一錢右剉作二

貼薑三片棗二枚竹茹一彈子大同煎服丹心  
治酒嘔尤妙入門○欲知胃中有熱手足心皆熱

者是胃熱也入門

### 加味橘皮竹茹湯

治胃熱多渴嘔吐不食橘皮竹茹  
赤茯苓枇杷葉麥門冬半夏各一

錢人參甘州各五分右剉作二貼薑三片水煎  
服○無枇杷葉則以蜜炙桑白皮代之入門

### 四味藿香湯

治胃虛嘔吐粥藥不停藿香人參橘皮  
半夏各二錢右剉作二貼薑三煎服入

### 加減四君子湯

治久病胃弱全不納食聞食氣即嘔  
四君子湯方見氣門去茯苓加入參

黃芪香附子各一錢右剉作二  
貼入生薑三片水煎服入門

### 藿香安胃散

治脾胃虛弱嘔吐飲食不待腐熟橘紅  
五錢人參丁香藿香各二錢半右為末

每取二錢薑三片  
同煎溫服寶鑑

### 藿香平胃散

治同上蒼朮二錢藿香厚朴陳皮各一  
錢半縮砂神麴各一錢甘州炙七分右

剉作二貼薑三片棗  
二枚水煎服東垣

### 比和飲

治胃虛嘔吐月餘不納水穀聞食氣即嘔聞  
藥亦嘔人參白朮白茯苓神麴炒各一錢藿

香陳皮縮砂甘州各五分陳倉米一合右剉作二  
貼先以順流水三升泡伏龍肝末澄清取一升半

入藥及薑三棗二同煎至七分去滓稍冷服日二  
三遂納而不吐別以陳倉米煎湯時時啜之全愈

醫鑑

### 茯苓半夏湯

治痰飲停胃嘔吐不止半夏二錢赤茯  
苓陳皮蒼朮厚朴各一錢藿香八分縮

砂乾薑甘州炙各五分右剉作  
一貼入薑三梅一水煎服回春

### 猪苓散

治先嘔後渴嘔吐而思水解者急與之猪苓  
赤茯苓白朮各等分右為末每服一錢水調  
服○一人每嘔水二三椀諸藥不效但  
吃并華水一升即止用此藥即愈仲景

### 薤白粥

治嘔最效薤白三莖雞子三箇去黃粟米三  
合同煮作稀粥別用人參一兩細剉水一升  
煎取三合去滓右以雞薤粟粥入煖  
人參湯相和攪勻頓服即止得效

### 惡心乾嘔

惡心者欲吐不得吐見飲食則心便惡之  
陳湯方見痰門加白豆蔻香附子縮砂煎服  
入門○惡心者欲吐不吐也胃口有熱有痰二陳  
湯加薑炒芩連丹心○乾嘔者有聲無物也乾嘔  
或手足厥冷者宜生薑橘皮湯活人○惡心者無  
聲無物但心中兀兀然無柰欲吐不吐欲嘔不嘔  
雖曰惡心實非心經之病皆在胃中上宜用生薑  
又曰惡心吐清水胃口有痰有熱有虛皆用生薑

宜生薑半夏湯仲景○乾嘔吐涎沫宜半夏乾薑  
散仲景○胃中素有熱惡心乾嘔不止者宜梔子  
竹茹湯  
醫鑿

### 生薑橘皮湯

治乾嘔或手足厥冷橘皮四兩生薑八  
兩右剉以水七盞煮至三盞逐旋微溫  
呷服活人○一名陳皮湯治  
乾嘔最妙下咽即愈仲景

### 生薑半夏湯

治胃中似喘不喘似嘔不嘔似噦不噦  
徹心中憤憤然無柰者半夏五錢水一  
盞半煎至半盞入薑汁半盞和勻緩緩服之仲景  
○大凡嘔吐藥忌一時頓服宜緩緩服入門

### 半夏乾薑散

治乾嘔吐涎沫半夏乾薑各等分右  
麤末每取三錢水煎緩緩服仲景

### 梔子竹茹湯

治胃熱惡心乾嘔不止梔子炒三錢陳  
皮二錢青竹茹一錢半右剉作一貼水  
煎和薑汁  
服醫鑿

食痺吐食

食痺謂食已心下痛陰陰然不可名也不可  
忍也吐出痛乃止此為胃氣逆而不下行也  
內經○痛而嘔為寒經云寒氣客於腸胃厥逆上  
出故痛而嘔也綱目○嘔吐而脈弦者肝勝于脾  
也由風痰羈絆于脾胃之間故惡心欲吐飲食不  
下當先實其脾土宜茯苓半夏湯麥夫湯白朮茯  
苓湯金花丸水  
煮金花丸東垣

茯苓半夏湯

治風痰羈絆於脾胃之間惡心欲吐五  
實脾土麥芽炒一錢半白朮白茯苓半  
夏神麴炒各一錢三分橘紅天麻各一錢  
右剉作二貼為糞末薑五水煎服東垣

白朮茯苓湯

治同上白朮白茯苓半夏各二錢神麴  
炒一錢麥芽麴五分右剉作二貼薑五  
片水煎  
服東垣

金花丸

治同上半夏製一兩檳榔二錢雄黃水飛一  
錢半右為末薑汁浸蒸餅和丸梧子大薑湯

下三三十九丸以吐止為度風痰羈絆于脾故飲食  
不下用此以治風痰易老○一名安脾丸入門

水煮金花丸

治風痰羈絆脾胃飲食不下白麴四兩  
半夏天南星並湯洗寒水右燒各一兩  
天麻五錢雄黃一錢半右為末滴水丸梧子大  
每取百丸先煮漿水沸下藥煮令浮為度漉出生  
薑湯吞下食前易老○風邪在胃翻翻不定或鬱  
酸水全不入食宜不換金正氣散方見寒門或安  
脾丸不宜輕用參朮惟久病脇痛者木克土也宜  
六君子湯方見痰門加青皮白芍藥柴胡升麻川  
芎砂仁神麴  
煎服入門

麥天湯

治風邪羈絆脾胃有痰惡心欲吐麥門冬一  
錢半天麻一錢三分白朮白茯苓半夏神麴  
陳皮各一錢右剉作一  
貼薑五水煎服入門

吐病有三

氣為上膈屬上焦食已暴吐者今世謂之嘔  
吐也○食飲入而還出為下膈食時時乃反

出之屬中下二焦。朝食暮吐，暮食朝吐，今世謂之膈氣反胃也。綱目。吐有三因，乃氣積寒也，皆從三焦論之。上焦在胃口，上通天氣，主納而不出。中焦在臍上，腕上，通天氣，下通地氣，主腐熟水穀。下焦在臍下，下通地氣，主出而不納。上焦吐者，皆從於氣，氣者天之陽也。其脈浮而洪，其證食已暴吐，渴欲飲水，大便燥結，氣上衝胃而發痛，其治當降氣和中。中焦吐者，皆從於積，有陰有陽，食與氣相侵，為積而痛，其脈浮而弦，其證或先吐而後痛，或先痛而後吐，治法當以小毒藥去其積，木香檳榔和其氣，丸消積。下焦吐者，皆從于寒，地道也。其脈沉而遲，其證朝食暮吐，暮食朝吐，小便清利，大府秘而不通，治法宜以毒藥通其閉塞，溫其寒，氣大便漸通，復以中焦藥和之，不令大府結閉而自安也。易老。

### 噎膈反胃病因

內經曰：三陽結謂之噎，註曰：三陽者，大腸、小腸俱熱結也。蓋小腸熱結，則血脈燥

大腸熱結，則不能便，膀胱熱結，則津液泄。三陽熱結，脈必洪數，有力前後閉塞，下既不通，必反而上行，所以噎食不下。縱下復出，乃陽火上行，而不下降也。入門。內經曰：少陽所至為嘔，涌溢，食不下。此理明矣。入門。又曰：食不下者，胃脘隔也。入門。○血液俱耗，胃脘乾槁，其槁在上近咽之下，水飲可行，食物難入，間或可入，亦不多，名之曰噎。其槁在下與胃相近，食雖可入，難盡入，胃良久復出，名之曰膈。亦曰反胃。大便祕少，若羊屎然，名雖不同，病出一體。其槁在賁門，食下則胃脘當心而痛，須臾吐出，食出痛乃止。此上焦之噎隔也。或食物可下，難盡入，胃良久復出，其槁在幽門，此中焦之噎隔也。其或朝食暮吐，暮食朝吐，其槁在關門，此下焦之噎隔也。丹心。飲食不下，而大便不通，名曰噎膈。噎者有拒格之意，即噎食反胃也。入門。○噎膈有五，五噎者，憂悲寒熱氣也。在心脾之間，上下不通，或結於咽喉，時覺有所妨礙，吐之不出，嚥之不下，由氣鬱痰結而然。五噎者，憂食勞氣思

也飲食卒然阻滯而不下反胃也噎也噎也受病皆同醫鑿。張雞峰曰噎當是神思間病惟內觀自養可以治之其言淡中病情丹心。噎噎之證不屬虛不屬實不屬冷不屬熱乃神氣中一點病耳醫林。噎病皆生於血枯血枯則燥矣得病情合經旨者丹溪一人而已綱目

### 噎隔反胃治法

噎病生於血乾夫血者陰氣也陰主靜內外兩靜則藏府之火不起而金水二氣有養陰血自生腸胃津液傳化合宜何噎之有。曰胃脘乾槁果可治乎曰古方用人參以補肺御米以解毒竹瀝以清痰乾薑以養血粟米以實胃蜜以潤燥薑以去穢正是此意。噎隔反胃大率屬血虛氣虛有痰有熱血虛四物湯氣虛四君子湯痰用二陳湯熱用解毒湯即黃連解毒湯氣血俱虛八物湯主之必和以童便竹瀝韭汁薑汁且多飲牛羊乳為上策但不可以人乳代之蓋有七情烹飪之火故也切不可用香炒藥宜薄滋味。飲酒者加砂糖驢屎入內服以防生虫丹心。噎隔方

用平鯽丸神仙奪命丹丁香透隔湯五隔寬中散棗肉平胃散方見內傷瓜蒌實丸神奇散當歸養血湯生津補血湯聖灰散八仙膏。反胃宜羅硫汞丸狗米平胃丸枳糖丸九仙奪命丹順氣和中湯安中調氣丸回生養胃丹定生丹安胃湯太倉丸奪命丹附子散諸方

### 平鯽丸

治膈氣不食大鯽魚一箇去腸留鱗以大蒜切片填魚腹內溼紙包黃泥固濟慢火煨熟去鱗骨入平胃散末枳丸梧子大每三五十九丸空心米飲吞下入門

### 神仙奪命丹

治氣鬱嘔吐或噎食不下百州霜研五錢雄黃鵬砂各二錢乳香一錢半菉豆黑豆各四十九粒右為末烏梅三十箇水浸去核取肉和藥末搗勻彈子大朱砂二錢為衣每嚼一丸以茶泡熱餅壓下良久不吐乃藥之效若吐再嚼化一丸服忌油膩鹽醋怒氣入門。一名二豆回春丹



### 丁香透膈湯

治五噎十噎痞塞不通白朮一錢三分  
甘州九分人參白茯苓縮砂香附子各  
七分沈香藿香陳皮厚朴各五分丁香木香麥芽  
青皮肉豆蔻白豆蔻各三分州果神麴半夏各二  
分右剉作一貼薑三棗二水煎服入門○

### 五隔寬中散

治五噎食不下厚朴香附子各一錢半  
甘州五分青皮陳皮丁香縮砂各四分  
木香三分白豆蔻二分右為籠末  
入薑三片鹽少許水煎服綱目

### 瓜萐實丸

治噎膈胃膈痞痛徹背喘急妨悶瓜萐實  
枳殼半夏製桔梗各一兩右為末薑汁米  
糊和丸梧子大每五七  
十丸薑湯吞下正傳

### 神奇散

治噎膈反胃血虛有火三陽枯竭當歸川芎  
白芍藥生地黃並酒炒陳皮縮砂半夏白茯苓  
白朮朮土炒香附子枳實烏梅肉藿香赤茯苓檳榔  
木通猪苓黃芩炒黃柏人乳炒知母人乳炒赤

芍藥天門冬麥門冬甘州各五  
分右剉作一貼水煎服醫鑑

### 當歸養血湯

治老人痰結血枯成噎噎當歸白芍藥  
炒熟地黃白茯苓各一錢黃連以吳茱  
萸同炒去茱萸八分貝母炒瓜萐仁枳實陳皮厚  
朴香附子川芎蘇子各七分沉香五分水磨取汁  
右剉作一貼薑一棗二水煎  
入沉香汁竹瀝調服回春

### 生津補血湯

治年少人噎膈乃胃脘血燥不潤故便  
閉塞而食不下當歸白芍藥熟地黃生  
地黃白茯苓各一錢枳實陳皮黃連炒蘇子貝母  
各七分縮砂沈香水磨取汁各五分右剉作一貼  
薑一棗二水煎入  
沉香汁調服回春

### 聖灰散

治噎食病及回食病回食者食  
灰投入鍋中滾水中化開去渣止用清水煮  
乾炒黃色為度黃色難得牙色即可用罐收貯封  
口勿令泄氣過一二年則無用矣凡人年四十餘

壯健者用四分，年老氣弱只用二分，或三分好燒酒調服。一二鍾能飲者，三四鍾或吐出虫，或下虫，其病即愈。如不吐不下，遇發再服，自痊。回春

### 八仙膏

治噎食。生藕汁、生薑汁、生梨汁、生蘿蔔汁、甘蔗汁、無則砂、白果汁、即銀杏、竹瀝、蜂蜜各一盞，右和勻，盛飯飯蒸熟，任意食之。回春

### 硫汞丹

治反胃吐逆。水銀八錢，生硫黃末二錢，同入鉢內，慢火化開，柳枝拌炒，有烟起，以醋洒之，候結成砂子，再研為末，以糯米漿丸。菘豆、大豆、生薑、橘皮湯下，三五十九丸。入門

### 狗米平胃丸

治反胃諸藥不效。黃雄犬一口，餓數日，白煎湯煮，作粥臨熟，入沉香二錢，平胃散末，和勻得所，作丸。梧子大，每五七十丸，陳米飲下。入門

### 杵糠丸

治五隔杵頭糠。牛轉艸各半斤，糯米一斤，為末，取黃母牛口中涎和，砂糖三兩，為丸。芡實

大入鍋內，慢火煮熟，食日二入。入門。一名奪命丸。正傳

### 九仙奪命丹

治反胃噎食，其效如神。枳殼二兩，白礬、南星、薑製各二錢，人參、甘艸各一錢，豆豉研過一兩，右為末，夜睛露過，以人參厚朴煎湯調糊，作餅如小錢大，慢火焙乾，每餅嚼碎，以薑湯調平胃散送下，忌注冷酒麪。活心

### 順氣和中湯

治嘔吐反胃，嘈雜吞酸，噎隔吐痰，水心腹刺痛。陳皮、鹽水炒，香附子、醋炒，梔子、薑汁炒，黑各一錢，白朮、土炒，八分，白茯苓七分，半夏神、麩、黃連、薑汁浸，晒乾，豬膽汁拌炒，各六分，枳實五分，縮砂三分，甘艸炙二分，右剉作一貼，入薑汁、溫服。醫鑿

### 安中調氣丸

治反胃及痰氣。白朮土炒，香附子長流水浸三日，炒黃，各三兩，陳皮二兩，半夏

製油炒白茯苓神枳實神麴炒黃連薑汁浸猪膽汁  
拌炒各一兩白芍藥八錢蘇子炒蘿蔔子炒各六  
錢川芎當歸酒洗白豆蔻炒各五錢甘州炙三錢  
木香一錢右為末以竹瀝薑汁打神麴為糊和丸  
菜豆大白湯下  
一百丸 醫鑒

### 回生養胃丹

治脾土虛寒聚成痰涎以致大便燥澀  
小便赤而多嘔吐酸水漸成反胃結腸  
之證蒼朮換泔浸六日蓮肉酒浸各四兩取積猪  
肚一箇以壁土揉擦洗淨入蒼朮線縫好酒煮爛  
搗細捏作小餅烘乾南星細切薑汁浸一宿伏龍  
肝同炒去土半夏湯洗醋浸七日蒸熟橘紅伏龍  
肝同炒去土粟米薑汁浸蒸焙各四兩人參白朮  
白茯苓厚朴蓬朮三稜二味並醋炒華澄茄縮砂  
白豆蔻殼芽炒麥芽炒甘州各一兩丁香木香沈  
香各五錢右為末稀麴糊和丸梧子大米飲吞下  
六七十一  
丸 醫鑒

### 定生丹

治反胃定生丸雄黃朱砂乳香半夏木香肉  
豆蔻百艸霜 為末各三錢沉香一錢阿魏礪  
砂各五分菴豆四十粒烏梅四十箇湯泡去核右  
為末以烏梅肉和搗作丸彈子大百艸霜為衣陰  
乾每一丸噙化嚥下以薑湯漱口復以陳麥餅火  
燒熟細嚼壓下噙藥即燃官香一炷如香盡藥未  
化者難治藥先化者  
未盡者可愈 醫鑑

### 安胃湯

治反胃白朮白茯苓山藥炒當歸陳皮半夏  
藿香各一錢黃連薑汁炒蓮肉各八分人參  
縮砂各五分甘州三分右判作二貼  
入薑三棗二烏梅一水煎服 回春

### 太倉丸

治反胃噎膈白豆蔻縮砂各二兩陳倉米一  
升黃土炒去土右為末薑汁和丸梧子大薑  
湯下百  
丸 回春

### 奪命丹

治反胃有起死回生之功棗一箇麝香一分  
孩兒茶二分金絲黃礬三分朱砂春二分夏

四分秋六分冬八分。○棗乃土糖棗即曉娘所轉之彈凡糞土之下皆有用彈中有白虫者如指大如蟻螻一樣將彈小破一點蓋住火煨過大黃色存性不要燒焦放入藥內并彈其為末燒酒調空心服如覺飢用小米煮粥漸進少進一日二三次不可多吃一日進一椀半足矣多進則病復不可治矣忌生冷厚味蔥蒜酒麪氣。

### 附子散

治反胃大附子一箇坐於磚上四面著火漸通泮入生薑汁中又炙又泮之可盡汁半椀許搗為末粟米飲調下一錢不過二三服差或加丁香一錢同為末入門。

### 嘔吐噎膈反胃宜通大便

病人欲吐者切不可下逆之則順今逆而上行謹不可泄固也然嘔吐者每每大便祕結上下壅遏氣不流行盡思所以屏盡而利導之直指。○陰虛邪氣逆上窒塞嘔噎不足之病也此地道不通當用生地黃當歸桃仁紅花兼

用甘州微加大黃芒硝以通其閉大便利則嘔吐噎自止矣東垣。○嘔吐證忌用利藥此言其常只嘔吐而大小便不祕泄者利藥所當忌也若大小腸膀胱熱結不通上為嘔吐隔食若不用利藥開通發泄則嘔吐何由而止乎古人用三一承氣湯正是此意丹心。○通利大便以開下焦之壅塞宜用紫沈丸厚朴丸附子丸人參利膈丸三一承氣湯湯四子調中湯香白丸大黃湯潤腸膏諸方。○嘔吐家多大便秘結虛冷者用蘇感丸溫而利之方見大便若大便熱結用蜜導法方見大便或猪膽汁和醋灌入下部妙直指。

### 紫沈丸

治中焦吐食由食積與寒氣相格故吐而疼此主之陳皮五錢半夏麴代赭石縮砂烏梅肉各三錢丁香檳榔各二錢沈香木香杏仁白朮各一錢白豆蔻巴豆霜各五分右為末醋糊和丸黍米大每五十九丸薑湯下。○一法橘皮一箇去白生薑一塊煨熟煎湯下紫沈丸百丸一日二服後

大便通不吐  
則止易老

### 厚朴丸

治同上。方與萬病紫苑丸同。方見積聚  
每服三丸或五丸。薑湯下。東垣

### 附子丸

治下焦吐食。朝食暮吐。暮食朝吐。大便不通。  
附子炮五錢。巴豆霜一錢。砒礞二錢。右研極

細。熔黃蠟為丸。梧子大。每一二丸。冷水送下。下利  
為度。利後更服紫苑丸。常服。一丸。勿令再閉。保命

### 人參利膈丸

治噎膈。大便燥結。喘滿壅塞。治膈氣之  
聖藥也。人參當歸藿香枳殼大黃厚朴

甘艸各一兩。木香檳榔各七錢。半右為  
末。水丸。梧子大。白湯下。五七十九。綱目

### 三一承氣湯

治嘔吐。大便秘。三陽結而不  
通。上為噎膈反胃。方見寒門

### 四子調中湯

治反胃。痰盛。二便澀。半夏二錢。桃仁一  
錢。半香附子枳實瓜蒌仁蘇子炒白芥

子炒各一錢。黃連薑汁炒七分。青皮陳皮沈香白  
茯苓木通苧硝各五分。右剉作一貼。水煎入苧硝。

攪勻。空心  
服。醫鑿

### 香白丸

治痰涎壅盛。嘔吐不止。大便澀滯。青州白丸  
子。方見風門。與青木香丸。方見氣門。右等分

作丸。薑湯下。  
三十九。得效。

### 大黃湯

治冷澀反胃。其候欲發時先流冷澀。次則吐  
食。此乃勞證。治不早。次在朝夕。大黃一兩。生

薑自然汁半盞。炙大黃令燥。泮入薑汁。中如此泮  
汁盡。切焙為末。每二錢。陳米一撮。蔥白二莖。水一

盞煎。至七分。先食蔥白。次服藥。不十日去根。本  
○凡噎膈。大便燥結。用大黃乃急。則治標之法也。

仍用四物湯加童便。非  
汁竹瀝多服為妙。正傳

### 潤腸膏

治噎膈反胃。甚捷。新採威靈仙四兩。搗取汁。  
生薑四兩。取汁。真麻油二兩。白砂蜜四兩。煎

去沫。右同入銀右器內。慢火煎。如錫  
時時以匙挑食之。一料快效。正傳

難治不治證

嘔吐脈弱小便自利身微熱而厥者虛極  
難治。凡吐如青菜汁者死。此是乍  
然嘔吐非反胃比也。入門。噎膈反胃證。年高者  
不治。年五十以下。糞如羊屎者不治。大腸無  
淡飲食。不斷房室者不治。氣血俱虛者。則口中  
多出沫。但見沫多出者必死。丹心。反胃吐白沫  
者。可治。吐黃沫者。不可治。種杏

單方

凡三十種  
有螺泥丸

黃丹

治反胃。黃丹一兩。白礬二兩。同入錐內。火煨。放  
冷。為末。蒸餅和丸。梧子。大溫酒下。五丸。至七丸。

綱目

黑鉛

吐虫而嘔者。黑鉛炒成灰。檳榔  
等分。為末。空心米飲調下。丹心。

滑石

治反胃積飲。滑石末。生薑自然汁。澄清。白朮和  
丸。時時服之。丹心。暴吐逆。滑石末。溫水服。

錢妙  
本州

赤石脂

治痰飲吐水。成反胃。石脂水飛。每一錢。空心  
以水酒任下。加至二三錢。無則以好赤土代。

乏本州

人參

治反胃垂危者。人參末三錢。薑汁五合。粟米一  
合。煮粥。空心食之。入門。又人參。剉二兩。水煎。  
頓服。且  
再本州

生薑

凡嘔吐皆因氣逆。故用生薑之辛。以散之。反  
胃嘔吐。生薑汁煮粟米粥。食之。乾嘔服薑汁。

一升。即  
差本州

半夏

凡嘔噎用半夏者。散結氣也。反胃嘔吐。半夏  
一兩。製生薑二兩。剉分二貼。水煎服。本州。嘔  
家用半夏。以去其水。  
水去。則嘔自止。金匱

蘆根

治乾嘔噦及五噎煩悶蘆根五兩水煎頓服一升不過三升即差本州

竹茹

主嘔哕取青竹茹一升水煎頓服。嘔噦用竹茹者遊胃解煩也入門

鯽魚

治反胃取大鯽魚去腸留膽入綠礬瀝腹以火炙焦為末每一錢米飲下日三綱目。諸魚灰並主嘔

並主嘔 本州

蚌蛤粉

治反胃吐食取爛粉米飲下二錢。蜆爛殼馬刀爛殼田螺爛殼並主反胃燒灰和飲

服本州

蝟

主反胃吐逆取肉淹五味炙食皮燒灰和酒服亦可煮汁飲本州

橘皮

治反胃嘔吐橘皮用日照西方壁土末同炒食取皮為末每一錢淡薑湯煎服直指

木瓜

止嘔逆煮汁飲之佳。生薑同煎服尤妙。槲櫟去惡心乾嘔煎服之本州

蒲萄根

止嘔噦濃煎取汁細細飲之本州

獼猴桃

治熱壅反胃取汁和薑汁服之。藤汁至滑主胃閉吐逆煎取汁和薑汁服之甚佳本州

杵頭糠

主噎食不下咽喉塞取細糠蜜丸彈子入含化嚥之。又細糠一兩白粥清調服入門

嬰子粟

治反胃食不下和竹瀝煮作粥食之大佳本州

蓴

和鯽魚作羹食之主反胃食不下止嘔本州

老牛口中涎

主反胃噎隔取少許和水服之終身不噎。口中齡丑之。艸絞取汁服止噎本州

驢尿

主反胃吐不止朝夕垂絕取熟尿服二合再服便定七日永差稍有毒不可多服本州

牛乳

治反胃噎隔要藥韭汁二盞牛乳一盞竹瀝半盞童便一盞生薑半兩取汁右和勻頓服醫蓋

一人病反胃大便燥此精血耗竭也先以甘蔗汁煮六君子湯方見痰門加附子大黃服且令飲

平乳勿食諸物半月  
大便潤而愈丹心

### 田螺

治反胃大田螺多取新水養之待吐出泥澄去  
清水以灰鋪篩上用皮紙覆灰上傾此泥於紙  
上待半乾作丸梧子大每二十九丸藿香湯吞下立  
愈名曰螺泥丸其螺放於水中殺食無效  
綱目

### 蛎蛤

治反胃噎隔取蛎蛤洗淨入水中高四指以香  
油小酒鍾入水中二指捻白麪撒水上涎即出  
次日去蛤留水曬乾涎為末每  
服五分淡燒酒調下即效醫鑿

### 馬剝兒

一名馬匏兒即王瓜也治噎隔反胃燒存性  
為末每二錢和棗肉平胃散二錢溫酒調服  
食則可下然後隨證調理一方  
只燒存性米飲調服二錢正傳

### 炊乾飯

治噎噎久不納穀取隔年炊乾飯以急流順  
水煮爛取汁時時飲之待能食以藥調治正傳  
雞穀袋治噎取袋不以多少不可失包內一物用泥  
固濟火服存性每袋一箇入薑炒香附末半

兩神糊和丸梧子大  
薑湯吞下空心綱目

### 猫胎衣

治反胃取猫生子胎衣陰乾燒為末酒調服  
甚效猫生子急取之稍遲則猫食之矣  
種杏

### 狗膽

治反胃吐黃沫辰砂一兩大黃二兩為末狗膽  
浸二日乾再為末麪糊和丸梧子大空心鹽湯  
下三十一  
丸種杏

### 蝎虎

治噎食反胃取活蝎虎一箇入燒酒內浸七日  
火上溫之去蝎虎飲酒即愈又雄雞餓一日  
卻取蝎虎切爛與雞喫取其糞培  
乾為末每二錢燒酒調下回春

### 鍼灸法

噎吐無度并乾嘔不止尺澤太陵皆灸三壯又  
灸乳下一寸三壯又灸間使三壯若四肢  
厥冷脉沈絕灸間使使通此回生起死之法得效  
善嘔嘔有苦者在膈通在胃取三里陽陵泉  
內經吐食不化取上腕中腕下腕  
東垣反胃  
神效膏脊俞灸百壯薑中三里各灸七壯回春



又取勞宮中魁腕骨心俞中腕綱目。今日食明日吐取心俞膈俞直中巨關中腕綱目。五噎五隔取天突直中心俞上腕中腕下腕脾俞胃俞通關中魁大陵三里綱目。反胃灸肩井三壯即愈乃神灸也同春。又取水分氣海灸之資生。

### 咳嗽

### 咳嗽病因

內經曰人感於寒微則為咳甚者為嗽為痛而咳發為痿厥內經。秋傷於溼冬生咳嗽又曰秋傷於溼上逆而咳發為痿厥內經。秋傷於溼冬必咳嗽者蓋秋傷於溼積於脾也大抵素秋之氣宜清而肅若反動之則氣必上衝而為咳嗽甚則動脾溼而為痰也是知脾無留溼則雖傷肺氣亦不為痰若有痰而寒少熱多故咳嗽咳嗽非專主乎肺病以肺主皮毛而司於外故風寒先能傷之也經曰五藏六府皆能使人咳非獨肺也各以其時主之而為病焉非其

時則傳以與之也所病不等寒燥溼風火皆能命入咳唯溼病痰飲入胃留之而不行上入於肺則為嗽假令溼在心經謂之熱痰溼在肝經謂之風痰溼在肺經謂之氣痰溼在腎經謂之寒痰所治不同各隨證用藥河間。咳謂無痰而有聲肺氣傷而不消也嗽謂無聲而有痰脾濕動而為痰也傷者有痰而有聲因傷肺氣動於脾濕故咳而兼嗽也河間。咳者聲咳之咳俗謂之嗽者是也肺主氣形寒飲冷則傷之使氣上而不下逆而不取衝擊膈咽令喉中淫淫如痒習習如梗是冷嗽甚者續續不已連連不息坐臥不安言語不竟動引百骸聲聞四隣矣明理。

### 脈法

咳嗽所因浮風緊寒數熱細溼房勞滑難右關濡者飲食傷脾左關弦短疲極肝衰浮短肺傷法當咳嗽五藏之嗽各視本部浮緊虛寒沈數實熱洪滑多痰弦澁少血形盛脈細不足以息沈小伏匿皆是死脈惟有浮大而嗽者生外證內脈參考科停脈訣。關上脈微為咳。脈弦或緊為寒。脈

浮為風。○脈細為溼。○脈數為熱。○脈沈為留飲。  
○沈數為實熱。○洪滑為多痰。○脈浮軟者生沈。  
小伏匿者死。正傳。○喘急脈沈肺脹停水氣逆壅。  
胃脈必伏取沈而實滑身溫易愈身冷脈浮尺瀋。  
難補。○喘脈滑而浮者生。澁而數者死。大抵  
在浮遲不宜急數。正傳。○喘鳴肩息者脈實大也。  
緩則生急則死。內經。○喘脈滑而手足溫者生。脈  
瀋而手足寒者死。數者亦死。為其形損故也。脈經。  
○咳逆脈浮而緩者易治。○弦急而按之不鼓者  
難治。○脈結或促或微皆可治。○脈代者危。○右  
關脈弦者木乘土位難治。正傳。○咳逆上氣脈散  
者死。散即數脈也。咳逆脈數為火刑金必死。入門。  
○咳唾膿血脈數虛為肺痿數實為肺癰。仲景。  
肺痿唾血脈緊強者死。滑者生。脈經。○寸數虛澁  
形脈訣。

### 咳嗽雖屬肺亦有臟腑之異

內經曰咳嗽上氣厥在胃  
中過在手陽明大腸太陰

肺。○帝曰肺之令人咳何也岐伯對曰五藏六府  
皆令人咳非獨肺也帝曰願聞其狀岐伯曰皮毛  
者肺之合也皮毛先受邪氣邪氣以從其合也其  
寒飲食入胃從肺系上至於肺則肺寒肺寒內外  
合邪因而客之則為肺咳五藏各以其時受病其  
其時則各傳以與之乘秋則肺先受邪乘春則肝  
先受之乘夏則心先受之乘至陰則脾先受之乘  
冬則腎先受之帝曰何以異之岐伯曰肺咳之狀  
咳而喘息有音甚則唾血心咳之狀咳則心痛喉  
中啞啞如梗狀甚則咽腫喉痺肝咳之狀咳則兩  
脇下痛甚則不可以轉轉則兩脇下滿脾咳之狀  
咳則右脘下痛陰陰引肩背甚則不可以動動則  
咳劇腎咳之狀咳則腰背相引而痛甚則咳涎帝  
曰六府之咳奈何安所受病岐伯曰五藏之久咳  
乃移於六府脾咳不已則胃受之胃咳之狀咳而  
嘔嘔甚則長虫出肝咳不已則膽受之膽咳之狀  
咳嘔膽汁肺咳不已則大腸受之大腸咳狀咳而  
遺失心咳不已則小腸受之小腸咳狀咳而失氣

腎咳不已則膀胱受之膀胱咳狀咳而遺尿久咳不已則三焦受之三焦咳狀咳而腹滿不欲飲食此皆聚於胃關於肺使人多濁唾而面浮腫氣逆也內經

### 臟腑治咳藥

肺咳宜麻黃湯方見寒門

心咳宜桔梗湯方見寒門

脾咳宜小柴胡湯方見寒門

肝咳宜小柴胡湯方見寒門

腎咳宜麻黃附子細辛湯方見寒門

膽咳宜黃芩湯方見寒門

胃咳宜烏梅丸方見寒門

大腸咳宜赤石脂禹餘糧湯方見寒門

小腸咳宜芍藥甘草湯方見寒門

膀胱咳宜茯苓甘草湯方見寒門

三焦咳宜錢氏異功散方見寒門

凡咳嗽春是春升之氣夏是火

炎上最重秋是溼熱傷肺冬是

風寒外束升心。大槩春氣上升宜潤肺抑肝夏火上炎宜清金降火秋溼熱甚宜清熱瀉溼冬風寒重宜解表行痰用藥發散之後以半夏等藥逐去其痰庶不再來入門。早晨嗽多者胃中有食積至此時火氣流入肺中瀉白散加知母或二母散五更嗽同。上半日嗽多屬胃中有火用貝母石膏降胃火一云上半日咳多者午前也胃中有實火單石膏丸方見火門加知母貝母若便閉喘渴痰稠者宜涼膈散方見火門。午後嗽多屬陰虛四物湯加知母炒黃柏先降其火一云午後嗽下半日也多屬陰虛四物合二陳湯加知母黃柏麥門冬如寒熱盜汗遺精宜滋陰降火湯方見火門。黃昏嗽多此火氣浮於肺不宜用涼藥五味子五倍子欬而降之一云黃昏嗽多者夜嗽也潤肺丸以欬之即潤肺散通用二陳湯去半夏加貝母瓜蒌青黛梔子黃芩桑白皮。夜嗽用降陰分火丹心。風寒鬱熱夜嗽者三二

### 嗽作有四時早晏之異

積至此時火氣流入肺中瀉白散加知母或二母散五更嗽同。上半日嗽多屬胃中有火用貝母石膏降胃火一云上半日咳多者午前也胃中有實火單石膏丸方見火門加知母貝母若便閉喘渴痰稠者宜涼膈散方見火門。午後嗽多屬陰虛四物湯加知母炒黃柏先降其火一云午後嗽下半日也多屬陰虛四物合二陳湯加知母黃柏麥門冬如寒熱盜汗遺精宜滋陰降火湯方見火門。黃昏嗽多此火氣浮於肺不宜用涼藥五味子五倍子欬而降之一云黃昏嗽多者夜嗽也潤肺丸以欬之即潤肺散通用二陳湯去半夏加貝母瓜蒌青黛梔子黃芩桑白皮。夜嗽用降陰分火丹心。風寒鬱熱夜嗽者三二

### 桔梗湯

除痰止咳嗽又治心咳桔梗半夏製陳皮去白各一兩枳實三錢石為麤末每三錢薑五

水煎服

### 二母散

治諸般咳嗽兼治痰喘知母貝母各一兩巴豆十粒作霜右為末每服一字與薑二片隨臥細嚼白湯下便合口睡其嗽即定亦治久嗽不愈入門

### 咳嗽諸證

有風嗽寒嗽熱嗽溼嗽鬱嗽勞嗽食積嗽氣嗽痰嗽乾嗽血嗽酒嗽久嗽火嗽夜嗽天行嗽通治咳嗽藥○咳因氣動為聲嗽乃血化為痰肺氣動則咳脾溼動則嗽脾肺二藏俱動則咳嗽俱作也入門

### 風嗽

風乘肺則鼻塞聲重口乾喉痒語未竟而咳入門○傷風咳者脉浮增寒壯熱自汗惡風口乾煩燥鼻流清涕欲語未竟而咳醫鑑○傷風咳嗽宜神水散欵冬花散人參荊芥散方見聲音金沸艸散三拗湯五拗湯加減三拗湯諸方

### 神水散

治傷風頭痛鼻塞聲重咳嗽蒼朮二錢羌活川芎白芷細辛甘州各一錢右剉作一貼薑

服得效

### 欵冬花散

治寒壅相交肺氣不利咳嗽痰盛麻黃貝母桑白皮半夏欵冬花各五分右剉作一貼薑三片水煎服得效

### 金沸艸散

治肺感風寒咳嗽聲重痰涎黃濁壅盛荊芥穗二錢旋覆花前胡各一錢半麻黃赤茯苓各一錢半夏七分半細辛甘州各三分右剉作一貼入薑三棗二梅水煎綿濾去滓服正傳

### 三拗湯

治感風寒咳嗽鼻塞聲重失音麻黃不去根節杏仁不去皮炙甘州不去炙不去皮各一錢半右剉作一貼入薑五片水煎服方

### 五拗湯

治感風寒咳嗽聲重咽痛三拗湯加荊芥穗桔梗各一錢煎服如上法丹心

### 加減三拗湯

治風喘嗽麻黃二錢杏仁桑白皮各一錢半甘州一錢蘇子前胡各六分右剉

### 寒嗽

作一貼入薑三片水煎服入門  
寒傷肺者咳則胃緊聲啞入門。脈緊增寒發熱無汗惡寒煩燥不渴遇寒而咳。醫鑑。風寒者鼻塞聲重惡寒二陳湯加麻黃杏仁桔梗。醫鑑。種咳嗽每遇寒則發乃寒包熱也解表則熱自除枳椇湯即桔梗加麻黃防風杏仁陳皮紫蘇葉木通黃芩入門。脾肺皆受寒邪則面白脈弦微涎出口甘水反侮土寡於畏也腹中太寒痰白作泡口甘涎沫者胃中寒而不和以辛甘熱去之。東垣。寒嗽宜九寶飲率益散杏子湯紫蘇飲子橘蘇飲薑桂丸人參欬花膏半夏溫肺湯杏蘇湯白圓子人參潤肺湯溫肺湯加味理中湯八味欬冬花散節薑丸。諸方。

### 九寶飲

治諸般咳嗽及寒嗽久嗽陳皮薄荷麻黃桂皮桑白皮紫蘇葉杏仁大腹皮甘州各一錢

### 率益散

治肺感寒邪咳嗽上氣鼻塞聲重麻黃一錢炙五分右剉作一貼入薑二片棗二枚水煎服入門

### 杏子湯

治感風寒痰盛咳嗽尤宜冷嗽人參半夏赤茯苓白芍藥細辛乾薑桂皮杏仁五味子各一錢甘州五分右剉作一貼入薑

### 紫蘇飲子

治脾肺虛寒咳嗽痰盛紫蘇葉桑白皮青皮杏仁五味子麻黃陳皮甘州各一錢人參半夏各六分右剉作一貼入薑三片水煎服入門

### 橘蘇散

治傷寒咳嗽身熱有汗脈浮數服杏子湯不得者宜服此橘紅紫蘇葉杏仁白朮半夏桑白皮貝母五味子各一錢甘州五分

### 薑桂丸

治寒痰咳嗽桂皮二兩南星半夏並製各一兩右為末薑汁浸蒸餅和丸菴豆大薑湯下

三十五十一  
丸 易老

### 人參欵花膏

治肺胃虛寒久嗽不巳欵冬花人參五味子桑白皮紫苑各一兩右為末蜜丸  
大實大每一丸以淡薑湯嚼下含化亦得

### 半夏溫肺湯

治虛寒咳嗽中脘有痰水冷氣心下汪汪嘈雜多唾清水脉沈弦細遲此胃虛冷也半夏細辛桂心旋覆花陳皮人參桔梗白芍藥甘州各一錢赤茯苓六分右剉作一貼入薑五水煎服入門

### 杏蘇湯

治傷風寒咳嗽痰盛杏仁紫蘇葉桑白皮陳皮半夏貝母白朮五味子各一錢甘州五分右剉作一貼入薑五水煎服得效

### 人參潤肺湯

治傷寒咳嗽人參乾葛桔梗白芷麻黃乾薑白朮甘州各一錢右剉作一貼薑服  
二十一應上一煎服丹心

### 溫肺湯

治肺虛客寒喘咳嘔吐痰沫乾薑桂皮半夏陳皮五味子杏仁甘州各一錢細辛阿膠珠各五分右剉作一貼入薑二三棗一二水煎服直指

### 加味理中湯

治肺胃俱寒咳嗽人參白朮乾薑甘州赤茯苓半夏陳皮細辛五味子各一錢右剉作一貼入薑二三棗一二水煎服丹心

### 八味欵冬花散

治肺經寒熱不調涎嗽不巳桑白皮紫苑茸五味子甘州各一錢右剉作一貼水煎去滓入黃蠟皂角子大再煎溶化服之丹心

### 飴薑丸

治冷嗽黑糖一斤乾薑細末四兩右先熔糖次下薑末和勻待凝作片常常嚼下  
傷於暑熱而得咳則口燥聲嘶吐沫入門傷暑咳者脉數煩熱引飲口燥或吐涎沫聲嘶咯血

### 熱嗽

鑒。凡咳嗽面赤胃腹脇常熱惟是乍有涼時其脈洪滑者熱痰在內也宜小陷胃湯方見寒門能治熱嗽胃滿綱目。熱嗽宜辰砂六一散方見暑門。洗肺散人參瀉肺湯貝母散參朮調中湯芩半丸小黃丸黃連化痰丸四汁膏諸方

### 洗肺散

治咳嗽痰盛有熱肺氣不清利半夏三錢黃芩二錢天門冬麥門冬五味子各一錢半杏仁一錢甘州五分右剉作二貼入薑五片木煎服丹心

### 人參瀉肺湯

治熱嗽即涼膈散方見火門去朴硝加人參枳殼桔梗杏仁桑白皮等分剉煎服入門

### 貝母散

治火嗽久嗽杏仁三錢款冬花二錢知母一錢半貝母桑白皮五味子甘州各一錢右剉作一貼入薑二片水煎服入門

### 參朮調中湯

除熱補氣止咳定喘和脾胃進飲食桑白皮一錢黃芪八分人參白朮白茯苓各六分地骨皮麥門冬陳皮各四分青皮二分五味子二十粒右剉作一貼水煎服東垣

### 芩半丸

治熱嗽吐痰黃芩半夏各一兩右為末薑汁糊和丸梧子大薑湯下入門

### 小黃丸

治熱痰咳嗽脈洪面赤煩渴黃芩一兩半南星半夏並製各一兩右為末薑汁浸蒸餅和丸梧子大薑湯下易老

### 黃連化痰丸

治熱痰咳嗽黃連吳茱萸各一錢半陳皮五錢半夏一兩半右為末薑汁糊和丸菉豆大薑湯吞丹心

### 四汁膏

止咳嗽消痰降火雪梨汁藕汁生蘿蔔汁薄荷汁右等分入砂糖屑和勻慢火熬成膏以匙抄服入門

溼嗽

溼勝肺者咳則身重骨節煩疼洒淅入門○溼傷咳者脉細骨節煩疼四肢重著或有汗小便不利醫鑿○溼嗽宜不換金正氣散方見寒門白朮湯白朮丸

白朮湯

治溼嗽痰多身體重著脉濡細白朮三錢半夏橘紅白茯苓五味子各一錢半甘州五分右剉作一貼入薑五水煎服濟生

白朮丸

治溼痰咳嗽身重脈緩白朮一兩半南星半夏並製各一兩右末薑汁糊和丸薑湯下五十七丸易老

鬱嗽

即火咳甚者乾咳而無痰乃腎水焦枯邪火獨炎於肺宜瀉白散方見五藏清化丸訶黎勒丸靈天膏方見吐門○火鬱者有聲痰少面赤者是也宜用清金降火湯

清化丸

治肺鬱痰嗽睡不安貝母一兩杏仁五錢清黛三錢右為末砂糖入薑汁糊和丸彈子大

喻化丹心

訶黎勒丸

治勞嗽乾嗽及肺脹喘急訶子皮五錢海粉瓜蒌仁青黛杏仁貝母便香附各二錢半右為末薑汁和蜜為丸櫻桃大含化徐徐嚥下入門

清金降火湯

治熱嗽能瀉脾胃之火火降則痰消嗽止陳皮杏仁各一錢半赤茯苓半真桔梗貝母前胡瓜蒌仁黃芩石膏各一錢枳殼八分甘州三分右剉作一貼入生薑二片水煎服食後醫鑿

勞嗽

虛勞咳嗽也○勞嗽者盜汗出兼痰多作寒熱宜補陰清金四物湯加竹瀝薑汁○陰虛火動而嗽四物合二陳加黃柏知母○陰虛喘嗽或吐血四物加黃柏知母五味子麥門冬桑白皮地骨皮醫鑿○好色之人元氣虛弱咳嗽不愈宜環玉膏方見身形治虛勞乾咳嗽最捷丹心○勞嗽宜入參



清肺湯加味二母丸人參芎歸湯加味人參紫菀散潤肺丸補肺湯溫金散大寧嗽湯知母湯寧嗽膏大阿膠丸諸方。酒色過度虛勞少血津液內耗心火自炎遂使燥熱乘肺咯唾膿血上氣涎潮其嗽連續而不已須用六味地黃丸方見虛勞加橘紅貝母黃栢知母入門

### 人參清肺湯

治久嗽勞嗽及肺痿唾血腥臭人參桑杏仁桔梗甘草各一錢右剉作二貼入大棗烏梅各一枚水煎去滓入蜜一匙攪勻澄清吸服得效。一名人參清肺飲入門

### 加味二母丸

治久嗽勞嗽食積嗽知母貝母同巴豆炒黃色去巴豆同二母散法入白礬白芨四味等分右為末和薑汁入蜜為丸芡實大含化嚥下或加麥門冬陳皮阿膠珠亦好入門

### 人參芎歸湯

治乾嗽因虛勞少血燥熱乘肺咯唾膿血動輒胃寒咳嗽當歸川芎白芍藥各

一錢半赤茯苓人參半夏陳皮阿膠珠細辛五味子甘草各七分右剉作二貼薑二棗二水煎服

### 加味人參紫菀散

治虛勞咳嗽人參五味子紫菀茸陳皮紫蘇葉貝母桑白皮白茯苓各一錢杏仁甘草各七分半加川芎半夏麴各一錢阿膠珠五分右剉作二貼薑五棗一梅一水煎服直指

### 潤肺丸

治燥痰乾嗽勞嗽貝母一兩瓜蒌仁青黛各五錢右為末薑汁蜜調成膏噙化丹心

### 補肺湯

治勞嗽桑白皮蜜炒熟地黃各二錢人參紫菀黃芪五味子各一錢右剉作二貼水煎入蜜一匙服丹心

### 溫金散

治勞嗽防風桑白皮黃芩甘草各一兩杏仁去皮尖二十一粒人參茯苓神各五錢麥門冬二錢半右取前五味入米泔水浸一宿晒乾次入人參茯苓麥門冬同為末每取三錢入黃蠟木豆

許煎服  
丹心

### 大寧嗽湯

治勞嗽神效。半夏二錢，五味子、赤茯苓、桑白皮、紫蘇葉、陳皮、枳殼、杏仁、阿膠、珠鷲粟殼、蜜炒各一錢，細辛、甘艸各五分。右剉，作二貼，入薑三棗，一梅，水煎服。丹心。

### 知母湯

治虛勞咳嗽，唾膿血，心肺有熱，黃芪、蜜炙一錢，半白芍藥、生乾地黃、黃芩、麥門冬、人參、白茯苓、桔梗、知母各一錢，甘艸五分。右剉，作一貼，入薑三片、竹葉三片、小麥一撮，水煎服。丹心。

### 寧嗽膏

治陰虛火動咳嗽咯血，天門冬、白朮各八兩，百部、根、杏仁、貝母、百合各四兩，款冬花五兩，紫苑三兩，右斲剉，以長流水一升煎取三升，又易新水煎取三升，如此三次，合取汁入飴糖八兩，蜜一六兩，再熬入阿膠四兩，白茯苓細末四兩，和勻成膏，每服三五匙，不以時。醫監。

### 大阿膠丸

治虛勞咳嗽吐唾血，發熱消瘦，山藥、五味子、熟地黃、阿膠、珠白、茯苓各一兩，麥門冬

丹參、貝母、防風、扶神、柏子仁、百部、根、杜仲各五錢，遠志、人參各二錢，半右為末，蜜和作丸，彈子大，每一丸以小木略煎，和滓呷服。局方。

### 食積嗽

因食積生痰，咳嗽胃滿，噯酸，或二陳湯加厚朴、山查子、麥芽、人參。食積嗽非青黛瓜、萸實不除。又云有食積人面青白，黃色不常，面上如蟹爪，路一黃一白者是也。食積痰嗽發熱者，半夏、南星並製為君，瓜萸實、蘿蔔子為臣，青黛、石礮為使，薑汁糊為丸服。丹心。一方三補丸，苓、連、栢也。加二母炒，知母、貝母為末，水丸，椒核大，以竹瀝藕汁吞之，丹心。食積嗽宜瓜萸丸、青金丸、二母寧嗽湯、溫脾湯、香附丸諸方。

### 瓜萸丸

治食痰壅滯，喘嗽。瓜萸實半、夏、麴、山查子、神麴各等分，右為末，瓜萸瓢水，和丸。竹瀝薑湯下。五七丸。丹心。

青金丸

治食積火鬱嗽劫藥也貝母知母各五錢巴豆霜五分右末薑汁糊和丸青黛為衣白湯下五七丸丹心

二母寧嗽湯

治傷飲食胃火上炎衝通肺氣痰嗽久不愈一服即差石膏二錢貝母知母各一錢半梔子黃芩各一錢二分桑白皮赤茯苓瓜蒌仁陳皮各一錢枳實七分生甘州二分五味子十粒右剉作二貼薑三煎服醫鑑

溫脾湯

治食飽則咳甘州四兩大棗二十枚右剉水五升煮至二升分三服千金

香附丸

治食積痰嗽蒼朮三兩香附子一兩半蘿蔔子炒瓜蒌仁杏仁半夏各一兩黃芩赤茯苓各五錢川芎三錢右為末薑汁糊和丸淡薑湯下五七十九丸正傳

氣嗽

七氣積傷成咳嗽痰涎凝結或如敗絮或如梅核滯塞咽喉咯不出嚥不下婦人多有之入門氣

嗽宜蘇子降氣湯方見氣門加味四七湯方見門團參飲子青龍散三子養親湯蘇子煎玉粉丸星香丸橘薑丸諸方

團參飲子

治七情咳嗽勞傷肺脾多唾膿血漸成肺痿將作勞瘵人參半夏紫苑阿膠珠百合欵冬花天門冬杏仁經霜桑葉各一錢細辛甘州各五分五味子十五粒右剉作一貼薑三煎服生

青龍散

治咳上氣不得臥人參陳皮紫蘇葉五味子右剉一兩薑三水煎服丹心

三子養親湯

治咳嗽氣急養脾進食紫蘇子蘿蔔子白芥子各一錢紙上微炒研煮湯飲勿

煎太過味苦入門

蘇子煎

治老虛人上氣咳嗽紫蘇子一升別搗為末杏仁去皮火雙仁一升別研為泥生薑汁生地黃汁白蜜各一升蘇杏二味以二汁澆之絞取汗其滓再搗再絞令味盡出乃合蜜攪勻盛器中

重湯煮如錫每服一大匙日三  
或去地黃汁代竹瀝亦佳奇效

### 玉粉丸

十九丸  
易老

治氣痰咳嗽喘急陳皮二兩南星半夏各一兩右為末以薑汁浸蒸餅和丸薑湯下五七

### 星香丸

治氣嗽生痰南星半夏各三兩白礬一兩研和木浸二味一宿陳皮五兩泔浸一晝夜去白取三兩香附子三兩皂角水浸一伏時晒乾右不見火為末薑汁糊和丸梧子大薑湯下五七十丸此乃家傳秘方累驗丹心

### 橘薑丸

下三十五十一丸入門

治久患氣嗽聖藥陳皮生薑同搗焙乾各二兩右為末神麩二兩作糊和丸梧子大米飲

### 痰嗽

者痰出嗽止胃膈多滿蓋淫痰在胃上干於肺則必作咳嗽入門。痰嗽者嗽動便有痰聲痰出則

嗽止也丹心。痰鬱肺經咳則涎多一陳湯加枳殼桔梗瓜蒌仁黃芩貝母又用半瓜丸。寒熱交

作而痰嗽者小柴胡湯方見寒門加知母白芍藥五味子桑白皮正傳。痰盛有熱宜滾痰丸方見痰門。

痰嗽宜洗肺散橘甘散滴油散二母散玉芝丸澄清飲三聖丹藍漆煎安肺散人參散。

### 半瓜丸

治痰嗽半夏瓜蒌仁各五兩貝母桔梗各二兩枳殼一兩半知母一兩右為末薑汁浸蒸餅和丸梧子大薑湯下五七十九丸半夏須久浸薑汁炒黃色否則辣喉正傳

### 橘甘散

十九日再正傳

治氣嗽痰嗽甚效橘皮生薑焙乾神麩炒各等分右為末溫水和丸梧子大米飲下五七

### 滴油散

滴入麻油數點調服即愈醫說

治痰嗽面浮如盤蚌粉新瓦上煨令通紅放地上出火毒每半兩加青黛一錢以淡薑水

玉芝丸

治風熱痰盛咳嗽聲重半夏麴六兩人參薄  
荷白茯苓白礬桔南星消浸焙各三兩右為  
末薑汁煮麴糊和丸梧子  
大薑湯下五七十九得效

澄清飲

治痰嗽服他藥不效者南星半夏並製蚌粉  
知母貝母白礬各一錢右剉作一貼薑五煎  
澄清徐徐  
服得效

三聖丹

治久痰嗽極效半夏製二兩南星煨一兩甘  
艸生半兩右以半星二味為末薑汁拌勻盒  
作麴冬十夏五春秋七日取出再為末入甘艸末  
和勻竹瀝一椀拌和作餅子焙乾又將竹瀝沃溼  
焙乾如此十數次以竹瀝盡為度再研為末煉蜜  
調和如錫臨臥抄一匙於口內噙化以竹瀝漱口  
嚥下  
正傳

藍漆煎丸

治痰嗽藍漆二兩人參杏仁胡桃肉各一  
兩右為末蜜丸彈子大每一丸薑湯或米

飲嚼下  
部集

安肺散

治痰嗽不問新久鴛粟殼炒黃色四兩麻黃  
甘艸炒各二兩右麴末每三錢烏梅一箇同  
煎服  
綱目

人參散

痰嗽通用半夏麴二錢人參桔梗五味子細  
辛枳殼赤茯苓杏仁各一錢甘艸五分右剉  
作一貼入薑五梅  
一水煎服丹心

白圓子

治風痰嗽有一種咳嗽直至頓吐飲食痰物  
俱出盡方小定此乃肝木剋脾土風痰壅盛  
所致五以白丸子方作生料方見風門加木香丁  
香橘紅天麻全蝎白僵蚕水煎和薑汁服丹心  
乾咳者無痰有聲是也此證本於氣滯滯微者  
連咳十數聲方有痰出溢甚者雖咳十數聲亦無  
痰出是為乾咳也綱目  
乾咳者肺中無津液  
也入門  
乾咳極難治此係火鬱之證乃痰鬱

乾嗽

火邪在肺中用苦桔梗以開之。下用補陰降火之劑。不已則成勞。須行倒倉法。此不得志者有之。用四物湯加竹瀝炒黃柏之類。丹心。燥痰不出者。用蜜水吐之。蜜煎生薑湯。蜜煎陳皮湯。燒生薑胡桃。方皆治無痰而嗽者。以辛甘潤其肺也。易老。

治乾嗽補肺。生地黄二斤洗淨。杏仁二兩生薑。蜂蜜各四兩。右搗如泥。盛磁器。置飯上蒸。五七度。每於五更挑三匙。嚥下。本事。又方。白蜜一斤。生薑二斤。取汁先秤銅器。知斤兩。訖內蜜。復秤。知數。次內薑汁。以微火煮。令薑汁盡。惟蜜斤兩在。則止。每服如棗子。大合化。日三。千金。乾嗽宜用瓊玉膏。方。見身形。潤肺散。加味二母丸。訶黎勒丸。抑痰丸。痰門。

### 血嗽

瘀血咳嗽者。喉間有腥氣。或吐唾血。瘀因打撲傷損。而致。四物湯加大黃蘇木。為末。酒調服。或水煎服。入門。生桃仁七粒。以韭汁送下。最佳。丹心。血嗽宜服人參百合湯。桑皮散。當歸飲。諸方。

### 人參百合湯

治勞嗽。吐紅白。赤白茯苓。百合。阿膠。珠天門冬。各一錢。白芍藥。人參。五味子。黃芪。半。夏。杏仁。各七分。細辛。紅花。桂皮。甘艸。各三分。右剉作二貼。水煎服。諸方。

### 桑皮散

治上焦有熱。血壅。腥悶。嗽聲。連併氣。不得透。甘艸一錢。半薄荷。桔梗。川芎。防風。桑白皮。黃芩。前胡。紫蘇。葉。柴胡。赤茯苓。枳殼。各八分。右剉作二貼。入薑三片。棗二。水煎服。直指。

### 當歸飲

因打撲損傷。肺氣咳嗽。吐黑血。大黃。蘇木。生乾地黃。當歸。赤芍藥。各等分。右為末。每三錢。溫酒調服。得效。

### 酒嗽

酒性大熱。因傷引飲。冷與熱凝。於胃中。不散而成。溼故痰作咳嗽。保命。飲酒多。咳嗽。青黛。瓜。薑。仁。右為末。薑汁。煉蜜。和丸。櫻桃。大。常常含化。散。肺毒。丹心。酒傷肺。成咳嗽。以竹瀝煎紫蘇。入韭汁。就吞。瓜。薑。杏。連。丸。又。宜。蜂。薑。丸。入門。

瓜萸杏連丸

治酒痰嗽瓜萸杏仁黃連各等分右為末以竹瀝薑湯煮糊和丸服丹心

蜂薑丸

治酒痰嗽及積痰久嗽留肺腕粘滯如膠氣不升降便香附白強蠶炒海蛤粉瓜萸仁蜂房杏仁神麴各等分右為末以薑汁竹瀝入蜜和

久嗽

乃積痰久留肺腕粘滯如膠氣不升降或挾溼與酒而作丹心○久嗽宜蜂薑丸加味二母丸人參清肺湯貝母湯九仙散人參欵花散天鼠散清肺

貝母湯

治諸般久嗽貝母薑製乾薑虫五味子陳皮半夏製柴胡桂心各五錢黃芩桑白皮各二錢半木香甘艸各一錢二分半右為末每五錢入製杏仁七箇生薑七片水煎服○一婦患積年嗽服此一貼即愈神效本

九仙散

治久嗽乃收功後藥收斂之劑也鷲栗殼蜜炒二錢人參疑冬花桑白皮桔梗阿膠珠五

人參欵花散

治久嗽鷲栗殼蜜炒黃色一兩人參欵冬花各五錢知母貝母半夏製各三錢右為釐末每五錢烏梅一箇同水煎服綱目

天鼠散

治久咳嗽上氣十年諸藥不效蝙蝠除翅足燒令焦為末和飲服之妙綱目

清肺湯

治久嗽及痰嗽肺脹嗽黃芩一錢半桔梗赤茯苓桑白皮陳皮貝母各一錢當歸天門冬施子杏仁麥門冬各七分五味子七粒甘艸三分右剉作一貼薑三棗二水煎服回春

馬兜鈴丸

治久嗽神效馬兜鈴半夏杏仁各一兩別研巴豆二十一粒去皮心油別研右細末和勻以皂角煎膏和丸梧子大雄黃為衣以烏梅湯下十九丸以利為度易老

加味百花膏

治久嗽不愈紫苑欵冬花各一兩百部根五錢右為末每三錢薑三梅一煎湯

調下食  
後入門

### 潤肺除嗽飲

治遠年咳嗽如神欬冬花紫苑葶麻黃  
陳皮石膏粉桔梗半夏桑白皮枳殼烏  
梅肉鸞粟殼各七分人參杏仁薄荷生甘艸各五  
分五味子九粒右剉作一貼薑二片細茶一撮同  
煎服  
正傳

### 火嗽

火嗽有聲痰少面赤者是或煩渴引飲脈洪數  
○火嗽宜貝母散清肺飲柴胡枳殼湯清金降  
火湯二母寧嗽湯抑心清肺丸玄霜雪梨  
膏人參清鎮丸滋陰清化膏海青丸 諸方

### 清肺飲

治肺熱咳嗽前胡荊芥桑白皮枳殼各一錢  
知母貝母薄荷赤茯苓桔梗紫蘇葉阿膠珠  
杏仁天門冬甘艸各七分右剉作  
一貼入薑二片水煎服直指

### 柴胡枳桔湯

治傷寒胃脇痛潮熱咳喘痰盛厚黃杏  
仁枳殼桔梗柴胡黃芩半夏知母石膏

乾葛各一錢甘艸五分右剉  
作一貼入薑二片水煎服醫鑑

### 抑心清肺丸

治肺熱咳嗽咯血即黃連阿膠丸也  
見大便 益黃連赤茯苓能抑心火肺得  
其清則嗽  
自止 醫鑑

### 玄霜雪梨膏

治勞嗽久不愈消痰止咳生津止咯  
血雪梨六十箇去心皮取汁二十鍾酸  
者勿用藕汁十鍾生地黃汁十鍾麥門冬煎取汁  
五鍾生蘿蔔汁五鍾茅根汁十鍾右汁重濾去滓  
火上煎煉入蜜十六兩飴糖八兩柿霜八兩薑汁  
半盞火上再熬如稀糊則成膏矣每服三五匙  
半盞

### 人參清鎮丸

治熱止嗽消痰定喘柴胡人參各一兩  
半生黃芩半夏甘艸各七錢半麥門冬  
三錢陳皮五味子各二錢青黛六錢右末  
水糊和丸梧子大白湯下三五丸 正傳

### 滋陰清化膏

止咳嗽清痰入滋化源肺腎乃人身之  
化源也生地黃熟地黃並酒浸天門冬



麥門冬各二兩黃柏鹽酒炒一兩半白茯苓山藥  
枸杞子白芍藥酒炒知母鹽酒炒玄參薏苡仁炒  
各一兩五味子七錢甘州生五錢右為末蜜丸彈  
子大每下一丸空心噲化嚥下○痰嗽甚加陳皮貝  
母各一兩  
兩回春

### 海青丸

治火鬱嗽及肺脹氣急息重訶子皮海蛤粉  
瓜蒌仁青黛半夏製便香附各一兩右為末  
以薑汁浸蒸餅和丸菉豆  
大薑湯下三五十丸丹心

### 夜嗽

夜間咳嗽屬陰虛宜降陰分火入門○陰分嗽者  
多屬陰虛治之用知母止嗽勿用生薑以其辛散  
故也丹心○凡夜嗽久嗽多屬腎氣虧損火炎水  
涸或津液涌而為痰須用六味地黃丸方見虛勞  
加黃柏知母天門冬貝母橘紅以滋化源滋陰降  
火湯方見火門亦佳回春○夜嗽宜用滋陰清化  
膏麻黃蒼朮  
水湯諸方

### 麻黃蒼朮湯

治秋冬夜嗽不絕至曉方緩口苦胃痞  
脇痛痰唾涎沫不進飲食麻黃八錢蒼  
朮五錢黃芪一錢半州豆蔻六分柴胡羌活各五  
分防風當歸稍生甘州各四分炙甘州黃芩各三  
分五味子十五粒右判  
分作二貼水煎服東垣

### 天行嗽

時令不正人多感冒咳嗽宜參飲子一服散  
得效○四時感冒咳嗽宜服參蘇飲方見寒門  
回春

### 人參飲子

治天行咳嗽痰盛寒熱人參桔梗五味子  
赤茯苓半夏各一錢半枳殼甘州各七分  
右判作二貼薑五水煎服○寒暑之交氣盛人衣  
厚作壅忽痰盛微熱此藥最宜若作感冒發其汗  
必成大病此方佳處在赤茯苓能導  
心熱枳殼能疎肺壅故易為效丹心

### 一服散

治時行暴嗽大半夏三箇杏仁七箇鴛粟殼  
葉甘州一錢右判作  
二貼水煎服得效

通治咳嗽藥

咳而無痰者以辛甘潤其肺故咳嗽治痰  
為先治痰者下氣為上是以南星半真勝  
其痰而咳嗽自愈枳殼橘紅利其氣而痰飲自下  
痰而能食者小承氣湯方見寒門微利之痰而不  
能食者厚朴湯方未詳疎導之夏月嗽而發熱者  
謂之熱嗽小柴胡湯四兩入石膏一兩知母五錢  
冬時嗽而發寒者謂之寒嗽小青龍湯加杏仁此  
治法之大體也易老○咳之為病有一咳即出痰  
者脾溼勝而痰滑也有連咳十數不能出痰者肺  
燥勝痰溼也滑者宜南星半真皂角灰之屬燥其  
脾溼者宜枳殼紫蘇杏仁之屬利其肺丹心○外  
感久則鬱熱內傷久則火炎俱宜開鬱潤燥入門  
○嗽而脇下痛宜以青皮疎肝氣兼用白芥子之  
類後以二陳湯加南星香附青皮青黛薑汁糊為  
丸服丹心○二陳湯治咳嗽去痰伐病根之藥除  
陰虛血虛火盛乾咳者勿用丹心○咳嗽通用  
清金飲五  
嗽丸諸方

清金飲

治諸般咳嗽杏仁白茯苓各一錢半橘紅  
錢二分五味子桔梗甘草各一錢右剉作一  
貼水煎服必用○一名  
杏仁五味子湯明醫

備急五嗽丸

一日氣嗽二日飲嗽三日燥嗽四日冷  
嗽五日邪嗽晝夜不止面自浮腫飲食  
不下肉桂乾薑皂莢各等分右為末  
蜜丸梧子大溫水下十五丸局方

喘證有八

喘急者氣因火鬱而成稠痰在肺胃也丹心  
喘者火氣甚則氣盛而息奄也河間○呼  
吸急促者謂之喘喉中有聲響者謂之哮喘虛者氣  
乏身冷痰如冰實者氣壯身熱便硬入門○  
喘者肺主氣形寒飲冷則傷肺故其氣逆而上行  
衝衝而氣急喝喝而息數張口擡肩搖身滾肚者  
是為喘也明理○有起居如故而息有音者乃肺  
之絡脉逆而不得隨經上下故也入門○火氣甚  
為夏熱衰為冬寒故病寒則氣衰而息微病熱則  
氣盛而息麤又寒水為陰主乎遲緩熱火為陽主

東醫圖書金新刊

乎急數是以寒則息遲氣微熱則息數氣盛而為喘也河間○喘非風寒傷肺則痰火脹肺風寒則祛散痰火則疎導但火急者亦不可純用苦寒宜溫以劫之劫藥見下入門○凡喘未發以扶正氣為主已發以散邪為主丹心○喘有風寒喘痰喘氣喘火喘水喘久喘胃虛喘陰虛喘諸病發喘嗽通治喘嗽藥諸方

### 風寒喘

尋常感冒風寒內鬱肺脹逆而為喘風寒金沸

○寒宜加味三拗湯人參定喘湯小青龙湯見寒門參蘇溫肺湯五味子湯九味理中湯五虎湯止喘丸諸方○冷喘則遇寒而發醫鑿○肺寒肺虛必有氣之表怯冷痰如水之登醫鑿

### 麻黃散

治傷風喘急痰壅涕唾稠粘麻黃二錢桂皮一錢二分欬冬花訶子皮甘州各一錢杏仁六分右剉作一貼入細茶一錢水煎服得效

### 人參潤肺散

治感風寒咳嗽喘急痰壅鼻塞麻黃一錢枳殼阿膠各五分橘紅二分半右剉作一貼入紫蘇葉二片同煎服丹心

### 人參定喘湯

治肺感寒邪喘急亦治浪咳嗽驚栗數喘炒二錢五味子一錢半麻黃人參半夏麴阿膠珠甘州各一錢桑白皮五分右剉作一貼薑三煎服得效

### 參蘇溫肺湯

治形寒飲冷則傷肺喘噎煩心胃滿短氣人參紫蘇葉肉桂木香五味子陳皮半夏桑白皮白朮白茯苓各一錢甘州五分右剉作一貼薑三煎服東垣

### 五味子湯

治寒喘麻黃二錢五味子杏仁橘紅各一錢半乾生薑桂皮甘州各一錢右剉作一貼紫蘇三葉煎服直指

### 加味三拗湯

治寒喘麻黃二錢陳皮一錢半杏仁五味子各一錢二分桂皮一錢甘州五分

東醫寶鑑卷之五

四十一

右剉作一貼薑  
三煎服得效

### 九味理中湯

治寒喘寒喘者手足冷脉沈細也縮砂  
研乾薑炮蘇子厚朴桂皮陳皮甘州炙

各一錢沈香木香各五分並水磨取汁右剉  
作一貼薑三水煎入沈香木香汁調服 回春

### 五虎湯

治傷寒喘急麻黃三錢石膏五錢杏仁二錢  
甘州一錢細茶一撮桑白皮一錢半右剉作

一貼入薑三片葱白  
一莖水煎服 醫

### 止喘丸

治冷喘華撥胡椒人參胡桃肉各等分右為  
末蜜和兩作二十九丸每丸細嚼溫水下 類

### 痰喘

痰喘者凡喘便有痰聲入門 肺實肺熱必有壅  
盛胃滿外閉上炎之狀 醫鑿 痰喘宜千縉湯千

縉導痰湯加減三奇湯貝母散平肺散紫蘇半夏  
湯定喘化痰湯潤肺膏蘇子導痰降氣湯六蘿皂  
丸祛痰丸 諸方 凡喘正發時無痰而將愈時卻  
吐痰者乃痰在正發之時閉塞不通而喘當其時

開其痰路則易安宜桔梗瓜瓣仁枳殼杏仁蘇葉  
前胡等引出其痰然後調其虛實實者用沈香漆  
痰丸 方見痰門 虛者  
補以參芪歸朮 綱目

### 千縉湯

治痰喘數服即安半夏七枚炮四破皂角炙  
甘州炙各一寸南星炮一錢右剉作一貼薑

五水煎  
服 藥要

### 千縉導痰湯

治痰喘不能臥一服即安半夏七枚炮  
切作四片南星陳皮赤茯苓枳殼各一

錢皂角甘州各一寸並炙右剉作  
一貼入生薑五片水煎服 醫鑿

### 加減三奇湯

治咳喘上氣痰涎不利半夏二錢桔梗  
陳皮青皮人參桑白皮紫蘇葉杏仁五

味子各一錢甘州五分右剉  
作一貼入薑三水煎服 東垣

### 貝母散

治熱嗽及痰喘辰時服酉時  
可安即上二母散也 得效

平肺散

治喘嗽痰盛寒熱往來咽乾口燥陳皮一錢  
半夏鴛粟殼薄荷紫蘇葉烏梅肉紫苑知母  
桑白皮五味子杏仁桔梗各七分甘草  
五分右剉作二貼薑三水煎服丹心

紫蘇半夏湯

治喘嗽痰盛寒熱往來桑白皮二錢杏  
仁一錢半夏夏陳皮紫蘇葉五味子紫  
苑各一錢右剉作二  
貼薑三水煎服丹心

定喘化痰湯

治咳嗽痰喘陳皮二錢半夏南星並製  
各一錢半杏仁一錢五味子甘草各八  
分款冬花人參各七分右剉  
作二貼薑五片水煎服丹心

潤肺膏

治同上紫苑杏仁款冬花各一兩麻黃桔梗  
訶子細辛各五錢枯日礬一錢胡桃肉一兩  
生薑二兩取汁清油八兩蜜一斤右先將油煉熟  
次入蜜煉去沫卻下藥末攪勻每服二三匙口湯  
調下臨臥時丹心

蘇子導痰降氣湯

治痰喘上氣蘇子二錢半夏當歸  
各一錢半南星陳皮各一錢前胡  
厚朴枳實赤茯苓各七分甘草五分右  
剉作二貼入薑三棗二水煎服必用

大蘿皂丸

治氣喘痰喘風痰食痰酒痰麪毒等證蘿  
菰子炒二兩皂角燒存性一兩南星半夏  
並製杏仁瓜蒌仁便香附青黛陳皮各五錢右為  
末神麪糊和丸梧子大薑湯吞下六七十丸入門

祛痰丸

治風痰喘嗽人參木香天麻陳皮赤茯苓青  
皮白朮各一兩皂角九錢槐角子半夏各七  
錢半右為末薑汁糊和丸梧子大每  
五七十九丸溫酒或薑湯吞下丹心

氣喘

七情所傷氣急而無聲響。驚憂氣鬱傷陽悶悶  
引息鼻張呼吸急促而無痰聲者是也。入門。喘  
者上氣急促不能以息之謂也。醫鑿。氣虛氣短  
而喘不可用苦寒之藥。火盛故也。宜用人參蜜炙  
黃栢麥門冬地骨皮之類。丹心。氣實人因服黃  
芪過多而喘用二物湯。方見上。以瀉其氣。丹心。

氣喘五加味四七湯 方見神門 四磨湯六磨湯清  
金湯蘇子降氣湯 方見氣門 加味白朮散定肺湯  
杏仁半夏湯杏蘇飲調降湯加味  
四君子湯沈香降氣湯 方見氣門

**四磨湯** 治七情鬱結上氣喘急人參檳榔沈香烏藥  
右各等分濃磨水取七分蒸煎三五沸微溫  
服不拘  
時東垣

**六磨湯** 治同上又治胃中氣膈甚當四磨湯加  
木香枳殼等分製法服法同上 東垣

**清金湯** 治咳嗽喘急胃滿氣逆坐臥不安陳皮赤茯苓  
杏仁阿膠珠五味子桑白皮薏苡仁紫蘇  
葉百合貝母半夏麩欬冬花各七分罌粟殼人參  
甘州各三分右剉作一貼入薑三棗二梅一箇同  
煎服

**加味白朮散** 治氣虛喘急飲食不進又治喘嗽飲酒  
必發者即參苓白朮散 方見內傷 加陳

皮半夏各一錢右作一服入薑  
三片桑白皮七寸同煎服得效

**定肺湯** 治上氣喘嗽紫苑茸五味子橘皮蘇子杏仁  
桑白皮半夏枳殼甘州各一錢右剉作一貼  
入薑五片紫蘇五  
葉水煎服直指

**杏仁半夏湯** 治肺氣不足喘嗽杏仁半夏桔梗陳皮  
薄荷各五分甘州一寸右鹿  
末作一貼薑三水煎服丹心

**杏蘇飲** 治上氣喘嗽浮腫紫蘇葉二錢紫苑甘州各  
一錢陳皮桔梗麻黃桑白皮阿膠珠各七分  
半五味子大腹皮烏梅肉杏仁各五分  
右剉作一貼入薑五片水煎服丹心

**調降湯** 治喘嗽上氣枳殼一錢三分甘州一錢半夏  
桔梗赤茯苓青皮陳皮蘇子檳榔葶藶子炒  
各七分白豆蔻木香縮砂紫蘇葉各  
五分右剉作一貼薑五水煎服直指

### 加味四君子湯

治氣喘人參白朮各一錢三分甘州  
砂蘇子桑白皮各六分沈香木香各五分並水磨  
取汁右剉作一貼入薑三棗二水煎和香汁調  
服回春

### 火喘

手太陰之脉起動則肺脹滿膨膨而喘咳所生病  
者咳嗽上氣喘鳴煩心胃滿靈樞○是皆衝脉之  
火行于胃中而作也○平居則氣平和行動則氣  
促而喘者是衝脉之火上攻也有老人素有喘或  
吐唾血痰平居則不喘稍行動則氣促喘急以滋  
腎丸方見小便空心服七八十丸其證大減此泄  
衝脉之火邪故如此其效也東垣○火炎於肺胃  
而喘者乍進乍退得食則減食已則喘大槩胃中  
有實火膈上有稠痰食入於咽墜下稠痰喘即暫  
止稍久食已入胃反助其火痰再升上喘反大作  
俗不知此作胃虛治以燥熱之藥以火濟火也昔  
葉都督患此諸藥不愈後以導水丸方見下門刊

五六次而安丹心○熱喘者發于夏不發于冬醫  
證○火喘用白虎湯方見寒門加瓜蒌仁枳殼黃

芩煎服神效又雙玉散亦效綱目○火喘以導痰

湯方見痰門加芩連梔子杏仁瓜蒌仁以清金降

火消痰入門○火喘宜麥門冬湯加減瀉白散滋

陰降火湯方見火門加味生麻散瀉火清肺湯玉

液散玉華散諸方○華佗云盛則為喘減則為枯

活人書云發喘者氣有餘也凡看文字須會得本

意肺氣若盛而有餘則當清肅下行而不喘以其

火入于肺衰與不足而為喘焉故言盛者言肺中

之火盛也有餘者言肺中之火有餘也

故瀉肺火以苦寒之劑實補肺也綱目

### 雙玉散

治熱喘痰涌如泉寒水右石膏各等分  
右為細末每取三錢人參湯調下保命

### 麥門冬湯

治火喘麥門冬三錢半夏二錢人參一錢  
甘州五分粳米一合太棗三枚右剉作一

貼水煎服日二仲景○肺脹滿膨膨而喘咳者多  
用五味子而人參次之麥門冬又次之黃連少許

甚則交兩手而醫者真氣大虛也若氣短加黃芪  
五味子人參若氣盛去五味子人參加黃芩荊芥  
穗東垣。一婦素有痰嗽忽一日大喘痰出如泉  
身汗如油脉浮而洪似將命絕速用麥門冬四錢  
人參二錢五味子一錢半煎服一貼喘定汗止三  
貼痰漸少再加瓜蒌仁一錢半白朮當歸芍藥黃  
芩各一錢服二十餘貼而安此  
門冬五味子人參之功也本事

### 加減瀉白散

治陰氣在下陽氣在上咳嘔喘促桑白  
皮一錢半地骨皮赤茯苓各一錢二分  
人參八分陳皮五味子各五分青皮甘艸各  
三分粳米一撮右剉作一貼水煎服東垣

### 加味生脉散

治脉伏喘促手足厥逆用此救之五味  
子三錢人參麥門冬杏仁陳皮各二錢  
右剉作一貼入薑五棗一二水煎服。氣虛喘甚者  
單人參湯頻服之喘定者生不定者死或元氣素  
虛傷寒汗下後氣短氣促氣喘目反  
脉微精神困怠者危以此救之入門

### 瀉火清肺湯

治火喘片苓一錢梔子枳實桑白皮陳  
皮杏仁赤茯苓蘇子麥門冬貝母各八  
分沈香五分水磨取汁朱砂五分水飛右剉作  
一貼水煎入沈香汁朱砂末竹瀝調服回春

### 玉液散

治喘嗽口乾煩渴瓜蒌根知母貝母炒各一  
兩人參甘艸各五錢右為末每二錢先煆黃  
蠟二錢入米飲  
同調服之得效

### 玉華散

治咳嗽上喘清肺氣利咽膈甜葶藶炒桑白  
皮炒天門冬馬兜鈴半夏紫苑杏仁貝母百  
合人參各一錢百部根甘艸各五分右  
剉作一貼入薑四棗一二水煎服丹心

### 水喘

水氣者漉漉有聲怔忡喘息宜葶藶散入門。病  
人飲水多必暴喘滿。支飲喘不得息葶藶大棗  
瀉肺湯甚效仲景。水腫腹脹而喘者葶喘必生  
脹脹必生喘。二證相因皆小便不利肺主氣先喘  
而後脹者宜清金降火而行水。次之脾主溼先脹  
而後喘者宜燥溼行水而清金次之入門。支飲



喘不得臥，加短氣倚息，其脈平，小青龍湯。方見寒門主之仲景。○夫不得臥，臥則喘者，是水氣之客也。水者循津液而流也。腎者水藏，主津液，主臥，與肺也。宜神祕湯。綱目。○溼熱作喘，宜平氣散，散加減瀉白散。寶鑑。○水喘停飲，胃膈滿悶，腳先腫也。宜平肺湯，杏蘇飲。諸方。

### 葶藶散

治水喘或面浮，葶藶子炒黃為末，太棗十枚濃煎去棗，調二錢服。入門。

### 葶藶大棗瀉肺湯

治肺癰喘不得臥，又治支飲喘急，葶藶子炒黃色為末，蜜和大如彈丸，以太棗二十枚水三升煎取二升，去棗入一丸，更煎取一升，頓服之。孫兆治一人吐痰頃間已及一升喘咳不已服此一貼已覺胃中快利略無痰唾矣。綱目。

### 神祕湯

治上氣喘急不得臥，臥則喘者，水氣逆行，上乘于肺，肺得水而浮，使氣不得流通，其脈沈大宜服此。紫蘇葉橘紅桑白皮各二錢，人參赤茯苓半，夏各一錢，木香五分，右剉作一貼，入生薑五

片水煎服。綱目。

### 平氣散

治溼熱喘急，白牽牛頭末二兩半，生半炒太黃七錢，陳皮去白五錢，青皮檳榔各三錢，右

細末，每三錢薑湯調下。○一婦人本肥盛，霖雨時因飲酒及滯乳，得腹脹喘滿，聲聞舍外，不得安臥，大小便澁滯，氣口脈大兩倍於人，迎沈緩有力，此因溼熱大盛而為喘，邪氣盛則實，實者宜下之。用此藥一服減半，再服喘止，但有胃滿口乾，時時咳嗽，再與加減瀉白散全愈。寶鑑。

### 加減瀉白散

桑白皮地骨皮知母桔梗陳皮青皮各一錢，片苓甘艸各五分，右剉作一貼水煎服。寶鑑。

### 平肺湯

肺與腎皆以至陰積水喘急咳嗽，葶藶子炒二錢，桑白皮炒，桔梗枳殼半，夏

紫蘇葉各一錢，麻黃七分，半甘艸五分，右剉作一貼薑五水煎服。直指。

久喘

久病氣短不能接續似喘非喘者單人參湯或調中益氣湯方見內傷

皂丸或人參清肺飲方見上倍入粟殼澁之入門

○久喘未發時服人參半夏丸已發時用沈香滾

痰丸方見痰門粒效河間○久喘宜入人參紫苑

湯定喘湯蠟煎散金不換散人參潤肺丸諸方

單人參湯

治氣虛喘急人參一兩剉水煎服服之入

湯一服軒聲除服

至一斤乃愈綱目

小蘿皂丸

治久喘最妙蘿藦子蒸二兩皂角煨五錢

南星以白礬水浸晒瓜蒌仁海粉各一兩

右為末薑汁入蜜和勻搗作

丸櫻桃大含化嚥下綱目

人參半夏丸

化痰墜涎止咳定喘治風痰痰食痰

寒水石各一兩人參赤茯苓薄荷南星炮各五錢

藿香二錢半右為末水糊和丸梧子大薑湯下二三

十九日  
寶鑑

人參紫苑湯

治咳嗽喘急久不愈鷓鴣菜殼薑製二錢

縮砂一錢半杏仁款冬花各一錢五味

子桂枝各五分人參紫苑甘草各四分右

剉作一貼入薑五梅一箇水煎服丹心

定喘湯

治肺虛久喘歌日和劑須投定喘湯阿膠半

夏及麻黃人參四兩同甘草四兩桑皮五味

強鷓鴣二錢須蜜炙三錢煎服用生薑多年氣喘

從今愈始信良醫有妙方醫鑒

○此方與上人參

蠟煎散

治虛勞久喘嗽或咯膿血杏仁人參麥門冬

山藥白茯苓貝母百合鹿角膠無則阿甘州

炙各等分右為釐末每二三錢入黃

蠟皂角子大同水煎溫服丹心

金不換散

治喘嗽久不巳鷓鴣菜殼蜜炒五錢枳殼四

錢杏仁甘草各三錢右剉作一貼入薑二三

梅二煎  
服得效

### 人參潤肺丸

治肺虛咳嗽日久成勞知母三兩桔梗  
桂皮各二兩半人參欬冬花杏仁細辛

甘州各二兩右為末蜜丸大實  
大每二丸細嚼薑湯下入門

### 胃虛喘

胃虛極則氣上逆擡肩擗肚喘而不休生脉散  
加杏仁陳皮白朮服入門。胃喘則身熱而煩  
經云胃為氣逆又云犯賊風虛邪者陽受之陽受  
乏則入六府入六府則身熱不時臥上為喘呼又  
云陽明厥則喘而惋惋則惡入或喘而死者或喘  
而生者何也厥逆連藏則死連經則生此胃喘宜  
加減白虎湯  
之類綱目

### 陰虛喘

血虛則陽無所依附而上奔宜四物湯倍芍藥  
加入人參五味子以收之入門。陰虛者氣從臍  
下直衝清道而上宜降氣滋陰醫鑑。陰虛喘宜  
降心火補真陰益精血四物湯合二陳湯加枳殼

黃芩知母黃柏入門。陰虛火動痰喘不絕聲者  
急則治其標宜玄霜棗梨膏緩則治其本宜滋陰  
清化膏回春。凡喘不得臥其脈浮按之虛而澀  
者為陰虛去灰不遠慎勿下之必灰宜四物湯加  
竹瀝童便青黛麥門冬五味子枳殼紫蘇葉綱目  
。陰虛喘宜寧肺湯潤肺豁痰寧嗽湯人參五味  
子散  
諸方

### 寧肺湯

治肺虛咳嗽喘急發熱自汗阿膠一錢半川  
芎當歸白芍藥熟地黃白朮五味子麥門冬

人參桑白皮白茯苓甘草各七分  
右剉作一貼入薑五煎服諸方

### 潤肺豁痰寧嗽湯

治陰虛喘急及痰嗽陳皮半夏熟  
地黃黃柏知母二味並酒炒各八

分白茯苓七分黃芩酒洗貝母天門冬麥門冬紫  
苑酒洗欬冬花酒洗桔梗當歸甘州各六分右剉  
作二貼入薑二三  
水煎服醫鑑

人參五味子散

治氣血勞傷虛損喘嗽膿血寒熱盜汗人參五味子桔梗白朮白茯苓熟地黃當歸甘州各七分地骨皮前胡桑白皮枳殼黃芪陳皮柴胡各五分右剉作一貼入薑三片水煎服日三服丹心

諸傷發喘嗽

凡人夜行則喘出於腎淫氣病肺有所墮恐喘出於肝淫氣害脾有所驚恐喘出於肺淫氣傷心渡水跌仆喘出於腎與骨當是之時勇者氣行則已怯者著而為病也內經○吃酸成嗽宜甘膽丸食熱致嗽宜葶藶散紫苑茸湯渡仆致嗽宜杏參散打撲致嗽宜當歸飲方見上

甘膽丸

治吃酸搶喉因成喘嗽不止諸藥無效甘州五枚浸三日取出炙乾為細末煉蜜和丸棗豆大每服四五丸茶清吞下臥服神效曾有人患此病諸藥不效用此一服愈聖惠

葶藶散

治過食煎炒及酒以致喘急不得臥及治肺癰甜葶藶子炒瓜蒌仁薏苡仁桑白皮升麻葛根桔梗各一錢甘州五分右剉作一貼薑三水煎服入門

紫苑茸湯

治過食煎炒和熱傷肺咳嗽咽痒痰多喘急脇痛紫苑茸經霜桑葉款冬花百合杏仁阿膠珠貝母蒲黃炒半真各一錢犀角人參甘州各五分右剉作一貼薑五水煎服丹心

杏參散

治墜墮驚恐渡水跌仆喘急不安杏仁人參桑白皮紫蘇葉甘州各七分右剉作一貼薑三水煎服入門

喘嗽通治藥

左杏參散含膏丸定喘化痰散杏膠飲雞鳴丸二方

杏參散

通治咳嗽喘急杏仁人參桑白皮桃仁各一錢半右剉作一貼薑三棗二煎服局方

含膏丸

通治喘嗽葶藶子一兩隔紙熬令黑知母貝母各一兩右同為末以棗肉半兩別泔砂糖

一兩半和勻為丸如彈子大新綿裹一丸  
含之徐徐嚥津甚者不過三丸效本州

### 定喘化痰散

治喘至妙定喘化痰延猪蹄甲四十九箇  
淨洗控乾每申納半夏白礬各一字入

罐內封閉勿令烟出火煨通赤本州  
入麝香一錢以糯米飲調下一錢

### 杏膠飲

治十六般哮喘杏仁明膠各一兩馬兜鈴半  
夏製人參甘州各五錢右細末每二錢水一

盞薑三片煎至七分臨臥服○心嗽加乾葛○肝  
嗽加烏梅一箇大米十四粒○脾嗽入薑三片棗

二枚○胃嗽入蛤蚧煎○膽嗽加茯神茶清調下  
○肺嗽入桑白皮煎○膈嗽薑汁調嚥下○勞嗽

人秦瓦煎○冷嗽入蔥白三寸煎○血嗽入當歸  
棗子煎○暴嗽入烏梅生薑煎○產嗽入甘州三

寸黃蠟少許煎○氣嗽入青皮煎○熱嗽蜜一匙  
蔥白煎○哮喘入半夏三枚煎○腎嗽入黃芪白

節糖煎服  
即效本事

### 雞鳴丸

治十八般咳嗽哮喘吐血諸證如神知母炒  
四兩旋覆花陳皮馬兜鈴麻黃甘州炙各一

兩桔梗人參各五錢阿膠珠欬冬花五味子各四  
錢杏仁葶藶子炒半夏製各三錢右為末蜜丸彈

子大每丸烏梅薑棗煎湯嚼下日三○十八般  
者肝咳心咳脾咳肺咳腎咳胃咳小腸咳大腸咳

膽咳膀胱咳三焦咳內因咳外因咳不  
內外因咳氣咳寒咳熱咳暴咳也回春

### 雞鳴丸

通治喘嗽知母酒炒貝母炒陳皮去白桑白  
皮蜜炒欬冬花旋覆花天門冬麥門冬人參

葶藶子炒桔梗杏仁炒半夏薑製阿膠珠甘州  
各等分右為末蜜丸彈子大以烏梅湯或薑湯化

下丸  
仲景

### 喘嗽宜辨寒熱

因風者遇風則嗽甚因寒者值寒則嗽  
劇因熱者遇熱則嗽即發更有一驗甚

的但問遇夜飲酒夜間如何若喫酒後嗽甚則有  
熱也喫酒了嗽減則有寒也延清白者有寒也黃

濁者有熱也 局方

### 喘嗽宜分虛實

治法最要分肺虛實若肺虛久嗽宜五  
味子欬久花紫堯馬兜鈴之類補之若  
肺實有火邪或新嗽宜黃芩天花粉桑白皮葶藶  
子之類瀉之正傳○久病氣虛而喘宜阿膠人參  
五味子新病氣實而喘宜桑白皮苦葶藶丹心  
肺之生病嗽喘大抵秋冬則實春夏則虛若實則  
面赤飲水身熱痰盛涕唾稠粘或咽乾面腫若虛  
則面白脫色氣少不語喉中有聲痰唾清利○肺  
感微寒八九月間肺氣大旺病嗽  
者病必實非久病也宜瀉之錢乙

### 喘嗽聲嘶

音門

喘嗽聲嘶乃血虛受熱青黛蛤粉為末蜜丸  
常常噙化丹心○宜用芩連四物湯醫鑿○

### 喘嗽上氣出於腎虛

夫腎虛為病不能納諸氣以歸元  
故氣逆而上咳嗽痰盛或喘或脹

髓虛多唾尼冷骨疼胃腹百骸俱為之牽掣其嗽  
愈重其聲愈乾君子當於受病之處圖之可也○  
抑猶有說焉肺出氣也腎納氣也肺為氣之王腎  
為氣之藏凡咳嗽暴重動引百骸自覺氣從臍下  
逆奔而上此腎虛不能收氣也當以補骨脂安腎  
丸方見虛勞主之毋徒從事於寧肺直指○下元  
虛冷腎氣不得歸元上喘氣急宜安腎丸八味丸  
二方並見虛勞人參湯吞下空心得效○咳嗽煩寃者腎  
氣之逆也內經

### 喘嗽劫藥

諸喘不止椒目極細末每一二錢薑湯調服  
止之止後因痰治痰因火治火虛弱者勿用  
丹心○諸喘劫藥蘿蔔子蒸熟一兩皂角燒灰二  
錢右為末薑汁加蜜丸服丹心○治嗽劫藥五味  
子五錢甘州二錢半五倍子苾  
附各一錢末蜜丸噙化丹心

### 喘嗽熏藥

久喘嗽非此不除南星欬冬花鵝管石  
代乳佛耳州雄黃等分為末拌艾以生薑一片

### 哮喘

留舌上式用艾燒之須冷烟入喉中一方無佛耳  
 艸有鬱金丹心久咳夜咳冬咳風入肺竅者  
 熏之入門。久嗽風入肺鵝管石雄黃鬱金各一  
 錢欵冬花三錢為末每取二錢拌艾捲作筒子燒  
 烟吸入口中溫茶常呷下入門。疑冬花如雞子  
 大蜜挂潤之用有醬去餅中燒藥卻以餅醬當口  
 吸烟吸之甚效綱目。無欵冬花則  
 用紫莞茸如上法熏之亦佳俗方  
 哮喘以聲響言喘以氣息言。哮喘即痰喘甚而常發  
 者入門。哮喘者肺竅中有痰氣也回春。治哮喘  
 專主乎痰宜吐法吐藥中多用醋不可用涼藥必  
 帶表散此寒包熱也必須薄滋味丹心。哮喘遇  
 冷則發者有二證一者屬中外皆寒宜東垣參蘇  
 溫肺湯方見上二者屬寒包熱宜越婢加半夏湯  
 等發表之劑方見下或瀉於八九月未寒之時用  
 承氣湯方見寒門下其熱至冬寒時無熱可包自  
 不發作綱目。一少年病哮喘十月則發一遍正當  
 九月十月之交此疾不得汗泄宜溫散麻黃黃芩

### 紫金丹

每貼用一錢半為細末入薑汁水煎臨臥時服之  
 與少胃丹方見痰門十一丸津嚥下丹心。喘促  
 喉中如水雞響者謂之哮喘氣促而連續不能以息  
 者謂之喘正傳。哮喘病氣實者用紫金丹二十九  
 吐去其痰虛者止服一二丸則不吐臨發時用此  
 規之丹溪方去豆豉夏妙。水哮喘者因切時水蓋  
 於肺為痰宜金沸州散方見上小青龍湯方見寒  
 門或葶藶散。風痰哮喘者千縉導痰湯方見上。  
 欲斷根者宜服定喘湯黃芩利隔丸方見痰門。  
 遇厚味發者清金丹。久不得睡者兜鈴丸入門。  
 哮喘宜用奪命丹立定散解表  
 一陳湯五虎一陳湯三白丸請方  
 治哮喘不得臥須三年後者可服信砂末一  
 錢淡豆豉搗爛一兩精猪肉細切四兩三味  
 拌和分作三分用紙筋泥包裹烘金泥乾卻用炭  
 火煨青烟出盡為度放地上一宿出火毒取為末  
 湯浸蒸餅和丸菜豆大食後冷茶清下大人二  
 十九丸小兒七丸忌一應鹹物湯水之類入門

### 紫金丹

凡遇天氣欲作雨便發齁喘甚甚至坐臥不得飲食不進此乃肺竅中積有冷痰乘天陰寒氣從背口鼻而入則肺脹作聲此病有苦至終身者亦有子母相傳者每發即服不過七八次覺痰腥臭吐出血色是絕其根本也白砒一錢生用枯白礬二錢別研淡豆豉一兩水潤去皮蒸研如泥右末合和攪作丸如菉豆大冷茶送下七八丸甚者九丸以不喘為愈不必多服久久服之奏效必矣  
回春

### 定喘湯

歌曰諸病厥來有藥方惟愁齁喘最難當麻黃桑杏尋蘇子白果冬花更良甘艸黃芩同半夏水煮百沸不須薑病人遇此仙丹藥服後方知定喘湯治哮喘神方麻黃三錢杏仁一錢半片芩半夏桑白皮蘇子款冬花甘艸各一錢白果即銀杏二十一箇去殼碎炒黃色右剉作一貼水煎服不  
狗時回春

### 清金丸

治哮喘遇厚味發者蘿蔔子淘洗蒸熟晒乾為末一兩皂角燒存性為末三錢右末薑汁浸蒸餅和丸如蘿蔔子大每取三四十九丸淡薑湯吞下入門一名清金丹丹心

### 兜鈴丸

治齁喘喘促不得臥馬兜鈴杏仁蟬退各一兩信砒煨三錢右為末棗肉和丸葵子大臨臥以冷蔥茶清送下六丸入門

### 奪命丹

治齁喘喘嗽上氣信砒一錢白礬二錢白附子三錢天南星四錢半夏五錢右先將信砒白礬於石器內火煨紅出火黃色為度切不可犯鐵器卻入餘藥末和勻薑汁麪糊和丸如黍米大朱砂為衣每服七丸小兒三丸井水吞下忌食熱毒物此方治痰喘劫劑也病安之後即用知母茯苓湯人參五味散寧肺湯以補虛可也丹心

### 立定散

治哮喘秘方太皂角一箇劈開去子入巴豆肉鐵線丸緊炙焦黃色末每一錢用半夏杏



仁各一錢香油煮黃俱為細末每柿餅一枚入一錢細嚼服之溫水送下醫鑑

### 解表二陳湯

治哮喘二陳湯方見痰門一貼加紫蘇五分右薑二煎服醫鑑

### 五虎二陳湯

治哮喘喘急痰盛石膏二錢麻黃杏仁陳皮半夏赤茯苓各一錢人參八分甘

### 三白丸

治吼氣大白半夏一兩生用白礞白礞雄黃巴豆霜各三錢右將白礞熔化入礞末於礞

雄黃丸  
十三方

### 肺脹證

咳而上氣煩躁者為肺脹欲作風水發汗即愈咳而上氣此為肺脹其人喘目如脫狀脈浮

大者越婢加半夏湯主之。肺脹咳而上氣煩躁而喘脈浮者心下有水氣小青龍湯方見寒門加石膏主之仲景

○肺脹主收斂用訶子青黛杏仁佐以海粉便香附瓜萸仁半夏麴薑汁與蜜調和作丸噉化。肺脹而嗽或左或右不得眠此痰挾瘀血碍氣而病宜養血以流動乎氣降火疎肝以清痰四物湯加桃仁訶子青皮竹瀝之類丹

### 越婢湯

石膏四錢麻黃二錢甘艸一錢右剉作一貼入生薑五片大棗二枚加半夏二錢右剉水煎服之金匱

### 肺痿證

熱在上焦者因咳為肺痿肺痿之病從何得之師曰或從汗出或從嘔吐或從消渴小便利數或從便難又被快藥下利重以津液故得之。肺痿吐涎沫而咳者宜生薑甘草湯。肺痿吐涎沫而不咳者其人不可渴必遺尿小便數所以然者以上虛不能制下故也此為肺中冷必眩多吐涎甘

肺乾薑湯以溫之仲景。肺痿咳唾咽燥欲飲水者自愈自張口者短氣也脈經。寸口之脈數其人咳口中反有濁唾涎沫者此為肺痿之病若口中辟辟燥咳胃中隱隱痛脈反滑數此為肺癰仲景。肺痿之證寒熱往來自汗咳唾口中涎多知母茯苓湯主之火盛者人參平肺散主之或為丸含化喘急面浮者葶藶散方見上大槩養肺養氣養血清金降火入門。肺痿將變為癰宜紫苑散海藏。咳嗽有濁唾涎沫或咳唾中有紅線膿血名曰肺痿熱在上焦故也宜門冬清肺飲人參養肺湯劫勞散噲化仙方諸方

### 生薑甘州湯

治肺痿咳吐涎沫生薑五錢人參二錢甘州炙三錢大棗五枚右剉作一貼水煎服仲景

煎服日一作景

### 甘州乾薑湯

治肺痿吐涎沫而不咳甘州炙四錢乾薑炮二錢右剉作一貼水煎服仲景

### 知母茯苓湯

治肺痿喘嗽寒熱往來自汗知母赤茯苓黃芩各一錢人參半真製各七分五味子欬冬花桔梗麥門冬柴胡各五分白朮甘州各六分川芎阿膠珠各四分薄荷三分右剉作一貼水煎服入門

### 人參平肺散

治心火刑肺傳為肺痿咳嗽喘嘔痰涎壅盛寒熱盜汗桑白皮二錢知母人參地骨皮甘州炙各一錢天門冬赤茯苓各八分陳皮青皮各五分五味子二十粒右剉作一貼薑三水煎服東垣

### 紫苑散

治肺痿咳唾膿血欲變成癰紫苑知母貝母各一錢半人參桔梗赤茯苓各一錢阿膠珠甘州各五分五味子三十粒右剉作一貼薑三水煎服入門

### 門冬清肺飲

治肺胃虛弱氣促喘或吐唾血將成肺痿證紫苑茸二錢黃芪白芍藥甘州

各一錢半人參麥門冬各一錢當歸身六分  
五味子十五粒右剉作一貼水煎服東垣

### 人參養肺湯

治肺痿證咳嗽有痰午後熱并聲嘶者  
柴胡二錢桑白皮一錢赤茯苓五味子

貝母杏仁枳實桔梗各七分人參阿膠珠甘州  
各五分右剉作一貼薑三棗二水煎服丹心

### 劫勞散

治心腎俱虛勞嗽二三聲無痰遇夜發熱熱  
過即冷時有盜汗四肢倦怠飲食減少體劣

黃瘦此藥能治微嗽唾中有紅線名曰肺  
痿若不治便成羸劣之疾也方見虛勞

### 噲化仙方

治痰盛咳喘吐膿血名曰肺痿甜梨汁庄  
蘿蔔汁生薑汁白砂糖欬冬花桔梅紫苑

各二兩五味子一兩右共熬去滓成膏入人  
參末一兩和丸彈子大臨臥噲化丸四春

### 咳逆證

咳逆一日吃逆乃氣病也氣自臍下直衝上出  
於口而作聲之名也內經曰諸逆衝上皆屬於

火古方悉以胃弱言之而不及火且以丁香柿蒂  
作茹陳皮等劑治之未審孰為降火孰為補虛人

之陰氣依胃為養胃土損傷則木來侮之矣陰為  
火所乘不得內守木挾相火乘之故直衝清道而  
上言胃弱者陰弱也虛之甚也丹心○孫真人云

咳逆遍尋方論無此名稱蓋咳逆者臟逆之名古  
人以咳逆為噦耳大抵咳逆者即內經所謂病甚

者其聲噦是也噦者今人所謂乾嘔是也類聚○  
咳逆者氣逆上衝而作聲也俗謂之餽逆是也其

發也或三五聲而止或七八聲而止或有連續不  
絕收氣不回者或有病久脾胃衰敗而發咳逆額

上出汗連聲不絕者最為惡候乃不治之證也醫

### 咳逆與噦為一

噦病成無已許學士謂之吃逆是也或  
曰東垣海藏以噦為乾嘔陳無擇又以

為咳逆何也答曰靈樞經云噦以刺刺鼻令嚏噦  
而已無息而疾迎引之立已大驚之亦可已詳此

三法正是治吃逆之法今人用紙捻刺鼻使嚏噦  
則吃逆立止或閉口鼻氣使之無息亦立已或作

寃盜賊大驚駭之亦已此以噦為咳逆為得經旨  
也謂之噦者吃聲之重也謂之吃者噦聲之輕也

皆因病聲之輕重而名之也  
○咳逆古人謂之餽是也  
仲景

### 咳逆治法

咳逆當分有餘不足不足者因內傷及大病後發其證胃弱面青肢冷便軟○有餘者因外感胃燥及大怒大飽而發其證面紅體熱便閉人門○凡吐利後多作噦此由胃中虛膈上熱故噦或至八九聲相連收氣不同至於驚人者若傷寒及久病得此甚惡三四○咳逆陰證胃寒脈細或吐下虛極宜橘皮乾薑湯橘皮半夏生薑湯丁香柿蒂散羌活附子湯或三香散○咳逆陽證發熱口苦胃滿脈數宜小柴胡湯方見寒門加橘皮竹茹或橘皮竹茹湯半夏生薑湯活人○傷寒熱病陽明內實失下而發噦者宜調胃承氣湯大柴胡湯○咳逆者火熱奔急上行而肺陰不納何其當哉故便秘者大承氣湯下之便軟者瀉心湯主之四方並見寒門○又有雜病咳逆五條詳見于下  
痢後咳逆見暑門頻服自止○胃氣不足不能接續

而噦作者宜補中益氣湯方見內傷加竹茹生薑炮附子下片煎服○氣從臍下逆上夜分轉甚者四物湯加黃柏知母陳皮竹茹生薑入門○凡咳逆多多發於痢後由中氣虛甚也補中益氣湯調中益氣湯方見內傷多用甚佳

### 食塞咳逆

飲食填塞胃中或食物太甚噎而不下發為咳逆方見寒門陳湯加枳殼縮砂紫蘇葉或三香散入門○帝曰人之噦者何氣使然岐伯曰穀入于胃胃氣上注于肺今有故寒氣與新穀氣俱還入于胃新故相亂真邪相攻氣并相逆復出于胃故為噦靈樞○宜服藥且取嚏以通之入門

### 痰閉咳逆

痰閉於上動於下無別證忽然發噦從胃中起者宜用二陳湯加芩連桔梗梔子薑汁炒煎服或人參蘆煎湯服而吐之則愈益參蘆瀉肺肺衰氣降而火土復位矣入門○痰挾氣虛發噦方見寒門子湯方見寒門正傳

水結咳逆

胃中虛冷不能食者飲水則噦仲景。或飲水太過成水結胃而發噦宜小陷胃湯或小青龍湯去麻黃加炮附子煎服三方並見寒門正傳方。○飲水過多而吃逆者別無惡候五苓散主之見寒門。

過笑咳逆

笑噦食噦皆屬有餘之證以紙燃探鼻取嚏或久閉氣可止綱目。

咳逆易治難治證

噦一聲者為虛難治多痰死在朝夕。咳逆至七八聲相連收氣不回者難治綱目。

橘皮乾薑湯

治胃寒咳逆橘皮二錢人參一錢半通貼水煎。人參通艸各一錢右剉作二貼水煎服。

橘皮半夏生薑湯

治同上陳皮半夏各二錢乾生薑

煎服之  
正傳

丁香柿蒂散

治大病後胃中虛寒咳逆丁香柿蒂人參白茯苓橘皮良薑半夏製各五錢甘艸二錢半生薑七錢半右為麤末每三錢水煎乘熱頓服或調蘇合香丸服之尤妙一方七味各一錢甘艸半錢剉煎服亦可綱目。一名溫中散醫鑿。

羌活附子湯

同煎服  
醫鑿

治同上羌活附子炮茴香炒乾薑炮木香丁香各一錢右剉作二貼入鹽一撮

三香散

治胃冷咳逆沈香白豆蔻紫蘇葉各等分右為末每一錢以柿蒂煎湯調下入門。

橘皮竹茹湯

治胃虛膈熱而咳逆橘皮三錢人參二錢青竹茹四錢甘艸一錢右剉作一貼入薑五棗二水煎服加白朮枳殼尤妙。一名陳皮竹茹湯入門。

半夏生薑湯

治厥欲死，半夏製五錢，生薑切一兩，右  
判入青竹茹、雞子大，水煎服。活人。

名鮮陳  
湯醫鑒

取嚏法

一人患傷寒，將愈忽患咳逆，百藥無效，遂用皂  
角末吹鼻，得嚏而止。少時又吃，又吹，又止。凡百  
餘次，自是漸疎。二三日而止。此  
合靈樞刺鼻嚏之法。同。綱目

鼻法

咳逆久不止，服藥無效，宜  
用鼻法灸法治之。活人

硫黃鼻法

硫黃乳香各二錢，以酒煎之，急  
命患人當鼻下嗅其氣。活人

雄黃鼻法

雄黃二錢，酒一盞，煎至七分，急  
命患人嗅其熱氣，即止。活人

一方

治咳逆久不止，將乳香紙捲  
作筒，燒烟熏鼻中，吸之。同春

禁忌法

凡火嗽忌用人參、半夏、陳皮等燥藥。入門。凡  
氣嗽忌用鴛鴦、栗殼、肉豆蔻等滋藥。入門。凡咳

嗽口乾咽燥有痰者，不可用南星、半夏。宜用瓜蒌  
仁、貝母。若飲水者，又不宜瓜蒌。恐滯膈不鬆快耳。  
丹心

嗽喘咳逆不治證

咳而羸瘦，脉堅大者，死。咳而脫形，  
發熱，脉小，緊急者，死。靈樞。凡咳喘

至，肺脹有咽瘡，失音者，必死。入門。脉數有熱喘  
咳，吐血，上氣不得臥者，死。上氣面浮腫，肩息，脉  
浮大，不治，又加脹，尤甚。正傳。咳嗽肺脹鬱遏不  
得眠者，難治。丹心。凡喘煩躁，無脉，身冷，神昏者，  
死。仲景。髮汗如油，汗出如珠，不流，蓋肩，擗肚喘，  
而不休。胃前高起，手足厥冷，脉散及數者，皆死。  
入門。汗出髮潤喘者，為肺絕。身汗如油喘者，  
為命絕。直視譫語喘滿者，不治。諸有篤病，正  
氣欲絕之時，邪氣盛行，多壅逆，而為喘然，則喘之  
危惡又安，可以尋常目之。直指。久嗽不止，感勞  
或聲啞，或喉生瘡者，不治。同春。凡咳逆小便閉  
澀，或腹滿者，不治。脉見沈微散者，死。仲景。瀉痢

後咳逆及傷寒結胃發黃而咳逆俱難治。回春。傷寒及久病得咳逆俱為惡候。服藥不效則五。之必差灸而不差。則必不救矣。資生。

單方

凡二十二種有人參胡桃湯參桃湯

人參

主肺虛氣短氣促咳嗽喘急。人參膏。及見氣。獨參湯。友見上。皆有奇效。丹心。○治氣虛喘。參一寸胡桃二箇去殼不去皮右剉入薑五水煎服。名。人參胡桃湯。一名參桃湯。蓋人參定喘帶皮。胡桃斂肺也。直指。○肺虛合用人參如初感風寒邪盛及久嗽鬱熱不可用反增喘滿嗽劇宜以沙參或玄參代之。丹心。

五味子

主咳嗽上氣身熱。○五味收肺氣乃火熱必自汗或少氣而喘。益聖藥也。綱目。○久嗽必用五味子。東垣之法然驟用之恐閉住其邪必先發散。

之或兼用可也。丹心。

生薑

主咳嗽上氣。○生與乾並治嗽。本州。○治嗽。用生薑以其辛能發散也。正傳。○咳嗽喘急。生薑一升半砂糖五兩同煎減半常服之。千金。○久患咳逆。生薑汁半合蜜一匙煎令熟溫分三服。本州。

瓜蒌實

治痰嗽利胃膈取實肥大者割開取子淨洗。槌破瓜細切焙乾半夏四十九枚湯洗十遍。切焙為末用洗瓜蒌水并子瓢同熬成膏研細為丸。梧子大薑湯下二十九丸。本州。○瓜蒌子甘能補肺潤能降氣。宜為治嗽要藥也。丹心。

半夏

治痰嗽上氣及形寒飲冷傷肺而咳。半夏製生薑切各半兩煎服即效。易老。

葶藶子

主肺氣壅上氣喘促或面浮取子炒黃色為末二錢棗湯調下得效。

苧麻根

治哮喘取根和砂糖爛煮時時細嚼嚥下永絕病根神效。正傳。

馬兜鈴

主咳嗽喘促氣急坐息不得免鈴二兩去殼只取裏面子童便拌炒甘州炙一兩右為末每一錢水煎溫呷或含末嚙汁亦得本州○馬兜鈴去肺熱補肺也 正傳

桑白皮

治肺氣喘滿咳嗽或吐血桑皮四兩泔浸二宿剉細糯米一兩焙乾右同為末米飲調下一二錢本州○桑白皮瀉肺氣然性不純良用之多者當戒蓋以出土者有毒故也 丹心

皂莢

主咳嗽上氣唾濁坐不得臥酥炙為末蜜丸梧子大棗湯吞下三九日二湯液或取肉作膾以薑醋食之亦佳本州

橘皮

治咳嗽上氣橘紅四兩甘州炙一兩為末每一錢白湯點服日三○又治吃逆橘皮一兩濃煎乘熱頓服本州

胡桃

治痰喘能飲肺取胡桃三箇去殼不去皮與生薑二片臨臥細嚼以溫湯呷下得效

杏仁

主咳嗽上氣喘促及哮喘杏仁一兩去皮尖大薄荷葉蜜水少許煎服二劑永差 綱目○又治老人久喘嗽杏仁胡桃仁等分蜜丸彈子大薑湯嚼下回春○杏仁散肺氣風熱然性實有熱因於寒者為宜丹心○童便浸杏仁取其利肺氣潤劑也 綱目

梨

主熱嗽○卒咳嗽梨一顆刺作五十孔每孔納胡椒一粒麪裹煨熟停冷去椒食之本州○咳嗽胃痞取雪梨去心納蜜蒸熟停冷食之 入門

紫蘇子

治肺氣喘急咳嗽蘇子水槓取沈和粳米煮粥食之和平杏仁汁尤佳本州

鷲粟殼

斂肺止咳喘然乃收功後藥也不可驟用每一錢蜜湯調下得效



雞子

治哮喘取十箇略敲損殼不得損膜浸尿缸內經二三日臨夜暫煮食之連日服蓋能去風痰故也

猪肺

治咳嗽喘急肺痿吐血猪肺一箇洗去血水若病人每歲用杏仁一箇去皮尖將肺以竹簽穿眼每眼入杏仁一箇麻札重湯煮熟去杏仁只吃肺即效同春○上氣咳嗽身熱口乾猪肪膏一斤切碎煮熟入鹽豉調和食之入門

阿膠

治肺虛損極咳嗽唾膿血非阿膠不補○喘甚須用阿膠湯液○阿膠炒為末米飲調服止喘本州

豨肉

主上氣咳嗽為末每二錢溫酒和服日三服肺痿上氣氣急豨脂一合煖酒和服本州

猫頭骨

治哮喘不得睡取頭骨燒為灰溫酒調下二錢即止入門

人尿

主咳嗽肺痿又止勞渴嗽取溫尿飲之童子尿尤好又主久嗽失音本州

鍼灸法

咳嗽有痰宜灸天突肺俞以泄火熱瀉肺氣○咳嗽上氣多睡冷痰灸肺俞五十壯又灸兩乳下黑白肉際各百壯○咳嗽聲破喉嘶灸天突五十壯得效○久患喘嗽夜不得臥夏月亦衣袂溫背心是膏肓病也灸之而愈○久嗽宜灸膏肓次灸肺俞○喘急灸肺俞十一壯天突七壯得效○傷寒咳甚灸天突即差○遠年咳嗽多直骨穴即愈如不愈其病不可治矣艾炷如小豆大灸三壯男左女右○哮喘灸肺俞又取天突膻中璇璣膻府乳根氣海○喘滿痰實如膠取太谿○咳喘不得臥取雲門太淵○咳喘寒痰取列缺○氣逆發噦取膻中腕腫中期中門必效○吃逆灸關元七壯立愈○又法乳下一指許正與乳相直骨間陷中婦人即屈乳頭向下度之乳頭齊處是穴艾炷

如小豆大灸三壯男左女右火到肌即差一云其  
穴當取乳下骨間動脈處是也得效○咳逆不止  
灸乳根二穴即止如神又灸臍下氣海五壯或七  
壯亦立止正傳○肺脹痰嗽不得臥但可一邊眠  
者可左側者灸右足三陰交可右  
側者灸左足三陰交立安丹心

訂正東醫寶鑑雜病篇卷之五

雜病篇卷之五

